

ziad_elmasry

مصطفى مازن



الشیطان یسكن فی بیتنا



دار المعارف

شخصيات للسرحة

الحق ابراهيم عظمى رجل صبور في الأربعين
عزلا كذا امرأة مشهورة وصاحبة فرقة سرحة

المراس

المراس

الحق ابراهيم عظمى رجل صبور في الأربعين

المراس

المراس

بِسْمِ اللَّهِ الرَّحْمَنِ الرَّحِيمِ

الحق ابراهيم عظمى رجل صبور في الأربعين

المراس

المراس

الحق ابراهيم عظمى رجل صبور في الأربعين

المراس

الحق ابراهيم عظمى رجل صبور في الأربعين

المراس

الحق ابراهيم عظمى رجل صبور في الأربعين

المراس

الحق ابراهيم عظمى رجل صبور في الأربعين

المراس

عبد الرحمن بن عبد الله

نيلسيون الحيشا لنتيب

الناشر: دار المعارف

الناشر: دار المعارف - ١١١٩ كورنيش النيل - القاهرة ج. ٢٠٠٤

شخصيات المسرحية

الشيخ إبراهيم طنطاوى : رجل صوفى فى الأربعين

سونيا : ممثلة إغراء مشهورة وصاحبة فرقة مسرحية

أدريس
إسماعيل
أحمد
بجى
عمى
ماريكا
نانا
زازا
فانى
راشيل
توتو
جيسى القونت
جدو
أوتكل
سوسو
يوسو

دراويش ومريدين للشيخ طنطاوى

راقصات فى فرقة سونيا المسرحية

مخرج فرقة سونيا

مصمم الرقصات

المدير المالى للفرقة

المدير الفنى للفرقة

راقصان فى الفرقة

فصل في تاليفات

تاليفات في تاليفات
تاليفات في تاليفات

تاليفات

تاليفات

تاليفات

تاليفات

تاليفات

تاليفات

تاليفات

تاليفات

تاليفات

تاليفات

تاليفات

تاليفات

تاليفات

تاليفات

تاليفات

تاليفات

تاليفات

تاليفات

تاليفات

تاليفات

تاليفات

تاليفات

تاليفات

الفصل الأول

(صحراء جرداء .. لا ترى شجرة على مدى الرؤية .. تلال من الرمل ..
أعشاب من الشوك والحسك والصابار .. كوخ من الحطب الجاف والصفيح والخرق
القديم .. ثم لا شيء ..

الوقت نهار والشمس تلهب الرمال ..
على البعد صوت عربة .. يتوقف الصوت .. نسمع صوت مارش يدار عربة
مرات دون جدوى .. صوت المارش من جديد .. ثم لا حركة .. صوت باب العربة
يصفق .. ثم صوت وقع أقدام تبخر على الحصى .. تدخل امرأة في الثلاثين في ثياب
صيف مودرن .. ميني جيب يكشف عن ساقين مثل لمعين مكر .. وبوت فضي ..
بلوزة ذات ألوان ملففة .. باروكة ذهبية .. خدان حمراوان من لسع الشمس .. في
يدها نظارة تلوح بها وهي تبخر .. تظفت حولها كأنها تبحث عن شيء ..
تجبه إلى الكوخ .. تقف أمامه .. تردد قليلاً .. ثم تدق بنظارتها على
الصفيح .. لا أحد يرد .. تشجع أكثر فتدق بيدها ..

- يا أهل الله

- (صوت من الداخل) مين

(يخرج رجل في الأربعين في يده سبحة وفي عنقه سبحة أخرى طويلة .. ثيابه تدل على أنه من الصوفيين المنقطعين للعبادة .. نظراته زائغة .. يفاجأ بمنظر المرأة على الباب فيرتد خطوة ثم يفيض بصره وينظر إلى الأرض).

- أستغفر الله .. أنت مين؟

- أنا ف ورطة يا عم انجلدني ..

- ورطة إيه يا ست ؟

- العريية عطلت منى ووقفت في عرض الطريق .. اعمل معروف شوف لي ميكانيكي .. حابات في الخلا في وسط الدييه إن ما عرفتتش اطلع بالعريية من الصحرا المخروبة دى .. أرجوك ساعدنى .. إنده على واحد ميكانيكي أودلنى على جراج ..

- ميكانيكي إيه وجراج إيه وعريية إيه .. هى دى سكه بتمشى فيها عرييات .. ده انتى فى حته مقطوعة .. صحرا على مدى الشوف .. مفيش مخلوق ولا دكان ولا شجرة ولا عود أخضر ولا صريخ بن يومين .. ثم فهمينى .. إنتى إزاي دخلتى بعرييتك هنا .. ومفيش طريق مرصوف ..

- قالو لي دى سكة الشيخ إبراهيم طنطاوى ووصفوا لي الطريق المهيب ده ..

- وعاوزه إيه من الشيخ إبراهيم طنطاوى ..

- إنت تعرفه .. أرجوك دلنى عليه .. خدنى على بيته ..

- ده أنا بدور عليه طول عمرى .. دنا داينجه عليه .. جيت

له من آخر الدنيا .. نفسى أشوفه مرة واحدة وأموت ..

قالو لي إنه يبقرا الكف ويضرب الرمل ويفتح الفنجان

ويعرف المستخبي ويشوف البخت ويفك الأعمال ويحل

العقدة إلى ماهاش حلال ..

- أنا هو الشيخ إبراهيم طنطاوى ..

(تنظر إليه في دهشة وقد عقدت لسانها المفاجأة)

- أنت .. هو ..

(تحسسه كأنما لا تصدق .. ثم فجأة تقفز على صدره وتعلق برقبته).

- أنت الراحل الى بحلم بيه .. أنت أملى .. أنت حياتى ..

(يتزعج يديها عن حول رقبته في عنف)

- إيه يا ولية الجنان ده .. نقضت وضوى .. الله

يكسفك .. أعوذ بالله السميع العليم من كل شيطان

رجيم .. أعوذ بالله من غضب الله ..

(هى ما زالت واقفة ذاهلة مفتوحة الفم في حالة فرح حيوانى .. ولا تلبث أن تعود

فتقفز عليه وتعلق برقبته وصدره وتحضنه وهي تهف في طفولة):

- إئت هو الشيخ طنطاوى بلحمه ودمه .. اقرصنى فى ودنى

عشان أتأكد إنى مش بحلم ..

- إيه يا ولية شغل الجنان ده .. إيه اللى بتعسبه ده ..

يا ولية ابعدى عنى أنا فى عرضك ..

(يحاول أن يتخلص منها فلا تفلته وكلما استغفر أكثر شددت عليه ذراعيها

أكثر) ..

- أستغفر الله العظيم من كل ذنب عظيم .. يا مسجى من

البلاء يا رب .. يا مفرج الكرب .. يا ولية سبى فى

حالى ..

- إئت الولى صاحب الكرامات والفتوحات .. آئت

صاحب الحجاب الجلاب اللى يشعلل نار الأحباب ..

(يستجمع الشيخ كل قوته ثم يلغمها بعيداً فى عنف هائلاً وقد نفذ

صبره) ..

- يا ولية حلّى عن وشى .. أنا لا ولى ولا صاحب

كرامات .. ولا صاحب فتوحات ولا يضرب رمل

ولا بفتح فنجان ولا أعرف مستخفى ولا أشرف خت ..

أنا راجل غلبان على باب الله .. ابعدى عنى ..

- بالضبط .. هو ده إالى قالوه ..

- هو إيه اللى قالوه ده ..

- قالوا حايكر إنه شيخ مبروك وحا يقول إنه راجل غلبان

على باب الله .. وقالوا لى إوعى تصدقيه .. دى هى دى

طريقة الأوليا المبروكين .. تواضع المهنة .. مش كده

(فى رقة) يا مولانا ..

(تقرب منه فى إغراء ونهم بالقفز على رقبته مرة أخرى .. ولكنه فى هذه المرة

يخطف عكازاً غليظاً من على باب كوخه ويلوح به فى وجهها مهلداً) :

- إياكى تقرنى منى يا ولية .. خطوة واحدة وحانزل

بالشمروخ ده على دماغك أدشدشه ..

(تراجع خائفة)

- يا لهوى ..

- ثم أنا مش فاهم .. إيه التهجم ده .. واحدة

ما عرفلهاش اسم ولا رسم تهجم على .. ونخش بيتى ..

بيتك .. بتسمى المزيلة دى بيت ..

- مزيلة .. هو صحيح مزيلة .. لكن أحسن من المبوالة إالى

سيادتك ساكنه فيها ..

- مبوالة .. أنا ساكنه فى مبوالة .. إئت تعرف أنا مين ..

إئت تعرف إئت بتكلم مين بالألفاظ دى ..

إذا لم تخنى الذاكرة فأنا أمام الست سونيا ..

إئت تعرف إئت بتكلم مين بالألفاظ دى ..

إذا لم تخنى الذاكرة فأنا أمام الست سونيا ..

إئت تعرف إئت بتكلم مين بالألفاظ دى ..

إئت تعرف إئت بتكلم مين بالألفاظ دى ..

- رائع .. مدهش .. أول كرامة لك يا سيدنا الشيخ .
 - ولا كرامة ولا حاجة .. صور سيادتك منتشرة ع الحيطان
 في كل مكان .. أفشيات متر في عشرين متر من هنا
 لبها .. بشوفها غصب عني على دكان الحلاوة الطحينية لما
 أنزل أشتري تموين الزيت والسكر كل ست أشهر .. مع
 فرق بسيط .. إن الصورة هناك عريانة ..
 - كده .. تبقى عرفت مين اللى بتكلمها .. وانها مش
 ساكنه في مبولة .. وإنما في قصر ملكي على النيل .
 - في مبولة شعبية وحياتك بيعدى عليها الزباين آخر الليل
 يريحو .

(تم بضربه ولكنه يلوح بعصاه) .

- سافل .. (ثم تغير هجتها فجأة إلى نبرة أفعوانية خيثة) .. ع العموم
 إنت اعترفت من لحظة إنك كنت بتبحلق في صورى
 العريانة في الحيطان زى الرجالة إياهم زباين المبولة .. كل
 الفرق إنك مش لاقى غير الصورة .. ومش طابيل النسخة
 الأصلية يا شيخ يا خباص .
 - الحمد لله إلى شفتينى على حقيقتى وعرفتى إلى شيخ
 خباص ، وعرفتى إنك غلطانة وإن مفيش هنا حد مبروك

ولا صاحب كرامات ولا صاحب فتوحات .. أظن بقى
 كل واحد منا يتطرق لحال سبيله .. (يستدير داخلاً إلى كوخه)
 عن إذنك .. سلام عليكم .
 - (تمسك به من ظهره وتشدّه) إيه رايع فين .. تعال هنا يا شيخ
 يا خباص .. ما دمت سافل زى حاتهرب منى ليه ؟
 - (مستمراً في دخوله دون أن يلتفت إليها) ومين قال إني سافل
 زيك .. أنا سافل صحيح لكن مش زيك .. أمثالك
 من السفلة هم سلطان والغرباوى والتابعى وأبو حلموس
 وغيرهم وغيرهم .
 - آه .. وعرفت أسامى عشاقى الخصوصيين كان .. أظن
 حاتقول قريت أساميهم ع الحيطان وفي دكان الحلاوة
 الطحينية إياه إلى يتاخذ منه تموين الزيت والسكر . مدد
 يا شيخ طنطاوى .. أبو حلموس ما عرفتوش إلا امبارح
 ومفيش حد يعرف بعلاقتنا غير ربنا .. دى كرامة .. ده
 انت ولى بصحيح .. مدد يا سيدى إبراهيم يا طنطاوى .
 (الشيخ ما زال يعطها ظهره ويصر على الدخول في حين هي تثبت به
 وتقول وتخر راحة عند قدميه) .
 - إنت قطب الزمان بعينه .. ساحنى يا مولانا .. اعف
 عني .. اصفح عني .. أبوس رجلك .. ما تسيينيش

أرجوك . .

(يستدير الشيخ إليها ويرفها بعنف من الأرض)

- قومي يا ولية كفاية مسخرة . . إنتى عاوزة منى إيه . . مش مكفيك الرحالة إالى حواليكى . . مش مكفيك مليون مغفل بيصفقوا لك . . ومليون ترانزيستور بيهتف باسمك . - صحيح مليون مغفل بيتمنوا كلمة من شفايفى . . لمسة من إيدى . . إشارة بصباعى . . صورة غريانه عليها توقيعى الشريف . . صحيح أنا عندى المال والشهرة والدنيا . . لكن نفسى أملك المستقبل . . نفسى أملك مفاتيح الغيب . . ولو مفتاح واحد من المفاتيح إالى عندك .

- مفاتيح الغيب عند الفتاح .

- حاعرض عليك صفقة مغرية . . حأديك حلم المليون معجب حلال بلال بين أحضانك (تفتح ذراعها وتعد شفتيها وتحنس صدرها لتزوج البقاعة) وتدينى مفتاح واحد من مفاتيحك .

- أبيع الذهب بسعر التراب . . جسمى ده تراب . . بص كويس . . فتح عينيك .

- جيفة . .
المس الجيفة (تأخذ يده وتغررها على خدها ورقبتها وصدرها) بترك

يده فى لا مبالاة واضحة . . ثم يحاول أن ينزعها فجأة كأنما لدغته أفعى) .

إيه خفت ليه . إنت بتحط إيدك كطبيب للتشخيص . . هو الطبيب بيزنى لما بيكشف ع اللحم العريان . . إيه رأيك فى الليونة والطراوة دى . . إيه رأيك فى الملمس الرطب المنعش . . شم الجيفة إالى بتقول عليها . . شم سحابة البارفان إالى طالعة مع كل نفس باتنفسه . . شم يا شيخ يا مغفل .

(الشيخ يدفها فجأة يده فتكاد تقع على الأرض)

- ابعدى عنى يا ولية .

- آى . . كسرت لى رجلى . . إنت إيه . . اثجنتت .

- أعوذ بالله السميع العليم من كل شيطان رجيم . . أستغفرك يا رب وأتوب إليك .

- أحلف بإيه إن الصفقة حليت فى عينك وطيرت لك عقلك . . (تضحك فى إغراء) أنا عاذراك الصفقة دسمة ومغرية جداً . . عصفور فى اليد يا سيدنا الشيخ ولا عشر حوريات فى الجنة .

- (فى جنون وهو يسحب عليها عصاته) انجبرى من قدامى يا ولية . . مش عاوز أشوف خلقتك قدامى لحظة واحدة .

- (تمثل عليه) يا دهورتي .. هربت دمي .. قلبي وقف ..
 آي .. شوف نبضي .. عندى سكتة .. الدنيا بتلف
 بي .. الحقنى بشرية ميه ..
 (يجرى الشيخ بساجدة إلى زير بجوار الكوخ ويملاً كوزاً من الصفيح بالماء
 ويعود به).

- (تضع الكوز على فها ثم تبصق) إيه القرف إالى بتشرب منه
 ده .. دى بلهارسيا وانكلستوما وملح الإنجليزي وزيت
 خروج ومية مجارى .. إف أعوذ بالله .. إزاي بتشرب من
 كوكتيل البلاوى ده ..
 - (الشيخ مبهوئاً) ده زير طاهر يا ولية ..

- طاهر إيه يا شيخ ..
 إيه رأيك أجيب لك م العريه مشروبات .. قصدى
 مشروبات طاهرة برده .. ينسون مثلج .. وعرقسوس ..
 وكروية .. وحلبة .. مشروبات شرعية كلها على ضمانتى
 نشرب لنا كاسين فى ساعة العصارى الحلوة دى ونفكر فى
 الصفقة .. صدقنى الصفقة دى مهمة جداً وما يصحش
 تبت فيها بسرعة .. نص دقيقة وأرجع لك .. استنانى ..
 (تفعلت مسرعة وتختفى من المسرح).

(على حين نرى الشيخ يخروراً كعفاً وبحس على وجهه التراب مستغفراً باكياً فى
 تضرع):

- ربي .. مولاي .. إلهي .. ملكي .. منقذى ..
 مخلصى .. سدى .. قوى .. صخرتى فى الأمور
 الشداد .. اصرف عني البلاء ونجنى من الشيطان
 الرجيم .. اغفر لى خطيئاتي .. إلهي .. ملكي ..
 معبودى ..
 (صوت سونيا من بعيد)

- بتنادى على يا شيخ طنطاوى
 - اسكتى يا ولية ..
 - هم كان بينادونى : يا معبودى يا مليكتى يا مولاتى ..
 - هم مين يا ولية ؟
 - المريردين ..
 - الشياطين .. الكلاب .. ارجعى لهم .. إانتى منهم ..
 مش عاوز أشوف وشك هنا أبداً .. (ساقطاً على وجهه من
 جديد يستغفر) .. مولاي اصفح عني .. إلهي .. اغفر لى
 خطيئاتي ..
 - أنا جايه حالا يا حبيبي ما تعيطش .. قطعت قلبي ..

(نراها داخلية المسرح فى مايوه عليه ثوب بلاج وتحمّل فى يدها شمسية بلاج
 وكراسى وصندوق مرطبات).

(الرجل الصوفى ينظر إليها وقد ففر فاه .. فى حين هى تبدأ فى فرد الشمسية
وتثنيها .. فى سرعة دون أن تلتفت إليه .. تضع الكرسيين ثم مائدة من القماش .. ثم
تفتح الصندوق وتخرج زجاجتين من التمر هندی .. تسرع إليه بواحدة) .

- تمر هندی وحياتك .. جلاب ميه فى الميه ولا نقطة
سبرتو .. اشرب وادعيل .. إيه مالك واقف مكشركده
زى بومه فى خرابه .

- أنا مش عاوز أشرب ومش عاوز أشوف وشك هنا وإن
ما غورتيش فى ستين داهية أنا حاكسر المولد الى عملتيه
ده كله .

- طيب اهدا بس اهدا .. صبرك بالله .. الحلم سيد
الأخلاق .. اقعده لحظة نتكلم .. نتفاهم .. خد شفقة
من التمر هندی يرد قلبك .. ليه التزمت السخيف ده ..
ليه تنفردى من الصلاح بالخشونة والغلظة دى .. ليه
ما تكسبنيش لصف التوبة بالإنسانية والمودة .. صدقنى
أنا زهقت م الهلس ونفسى أرجع لحظيرة الفضيلة .. لكن
مش بالأسلوب المنفرد ده .

(يجلس متهاكاً .. ثم يغمغم مشيراً إلى لحمها الظاهر من ثوب البلاج) .

- ترجعى لحظيرة الفضيلة بال .. مايوه .. إزاي ..
خطوة خطوة يا حبيبي .. مش معقول جاتخدنا للتوب

الشرعى دفعة واحدة .. والامش حاتلاقى حد ينشى
وراك .. الدنيا اتغيرت .. وانت عايش فى القرن
العشرين ..

- وأنا مالى ياستى ومال القرن العشرين .. أنا سبت لكو
القرن العشرين .. وجيت أعيش هنا لوحدى فى القرن
الهجرى .. واللى عاوزنى يجبنى هنا فى القرن الهجرى ..

- مش معقول يا سيدنا الشيخ ده مشوار طويل علينا خطوة
خطوة .. إنت عارف الدنيا جرى فيها إيه .. رحت مرة
إسكندرية .. شفت أكوام اللحم العريان ع البلاج ..

دى حاجة بتحصل دلوقت فى أحسن العائلات ..
ويمكن تلاقى لك أخت والأبنت عم بين العرايا .

- اخرسى يا ولية ..

- خرسى .. لكن خرسى مش حاجل المشكلة .

- أنا سبت لكو المشكلة .. وسبتو لكو خرابة القرن العشرين
إلى ساكنين فيها .. وبنيت لى هنا عمار جميل مع رى ..

- (فى دهشة وهى تلتفت حوفاً) عمار .. فىن هو العمار ده .

- عمار القلب يا ولية .

- آه .. لكن ده عمار مش حايقنع حد .. عمار ما حدش

شايفه .. الى شايفينه إنك فى مزيلة ما يرضاش بيها

- فوراً

(تقف لفورها وتبدأ في خلع ثوب البلاج والمايوه على حين يصرخ الرجل الصوف ويدير وجهه).

- يا حفيظ .. يا لطيف .. أعوذ بالله .

- إيه .. إنت مش قلت نخلع الملابس المتهتكة دى .

- أنا ما كملتش كلامى يا ولية .. أنا قلت تغلى الملابس

المتهتكة دى وتلبسى هدوم حشمة .

- فى الحر ده يا برهوى

- يا إيه ؟

- يا برهوى .. اطرف من الشيخ إبراهيم طنطاوى ..

اسمك كبير أوى .. بيعمل لى زغطة .. طنط ..

طنط .. طنط .. طنط .. طنطاوى .

- يا سيدة سونيا من فضلك ..

- يا إيه .. يا سيدة .. دى كلمة زى الضريح .. أرجوك

ما تحطش زباينك فى أضرحة من أول يوم .. ابتدى

بالبساطة ورفع الكلفة .. قول لى يا سنسوى وأنا أقول لك

يا برهوى .

- سنسوى .. !! ؟ اسمح لى فى التعبير .. ده أسلوب

للتنادى فى الفراش .

كلب .

- ما يهمنيش حد .

- والدين قال لك انقذ نفسك ولا يهملكش حد .

- أعمل إيه .. بج صوتى وما حدش عاوز يسمعى .

- انزل للناس .

- نزلت لهم طردونى .

- خد بإيدهم يطلعوك .

- خدت بإيدهم كسروا إيدى وزقلونى بالطوب وما حدش

فكر يطلع معايا .

- أبداً .. أنا طلعت لك النهارده وكرشتنى بالنبوت .

- لأنك عرضت على صفقة قدرة .

- (تضحك وتقهقه) أبداً صدقتى كنت بضحك .. كانت نكته

لبداية التعارف وطرح الكلفة .. صدقتى أنا جيت هنا

عشان أغير حياى كلها .

- فى الحالة دى تبقى لنا نظرة ثانية .

- آى والله أنا نفسى (بدلع) فى نظرة ثانية .

- أنا بتكلم جد ..

- وأنا بقول جد .. نظرة يا شيخ طنطاوى .

- يعنى لازم تثبتى حسن نيتك الأول نخلع الملابس المتهتكة دى .

- لا .. لا .. لا .. لا .. عيب اخص عليك .. اسمح لي
يا سيدنا الشيخ إنت خيالك سافل جدًا .. أراهن إنك
تخيلتني في حضنك .. اعترف .. أنا أحب الصراحة ..
صحيح إنت راجل طاهر الأفعال لكن سافل الخيال ..
سافل من جوه .. اعترف .. أرجوك ..
- اعترف إن قلبي لا يخلو من الزيف أحياناً ..
- الزيف .. كلام جميل أوى يا سيدنا الشيخ .. أنصحك
بقي ما دام قلبك زاغ تبقى تزوغ إيدك وتزوغ عينك يبقى
أشرف لك على الأقل .. يبقى قلبك زى فعلك .. مثبش
كذب .. مفيش نفاق ..
- لأنه مش صحيح .. الإنسان بحكم كونه روح وجسد له
طبعتين متنازعتين ، ولا يطعن في صدق الإنسان أنه يعاني
جذب الشهوة وجذب العفة في وقت واحد لأن هي دى
حقيقته .. أما الاستجابة لسفالة القلب بسفالة اليد بحجة
الصدق فهي مغالطة شيطانية .. والإنسان اللى بيقاوم
نوازعه الشريرة هو على الأقل إنسان ترجى نجاته وفيه أمل
منه .. أما الإنسان اللى يستجيب لكل وسوسة بفعل
فورى .. فهو إنسان انضم إلى زمرة الحيوان وانتهى
أمره .. ولا صدق في الموضوع .. وإنما غفلة

واستغفال .. واحنا بنى آدمين مش ملايكة .. الملاك هو
الوحيد الطاهر من جوه ومن بره لأنه من نور .. أما احنا
فن الطين .. ظلمانيين ونورانيين في وقت واحد ..
(طول الوقت كانت سونيا تستمع إلى الشيخ في اهتمام وانتباه وهي ترد
كالمأخوذة) :

- الله .. فلسفة لطيفة .. أول مرة في حياتي واحد يكلمنى
في فلسفة دينية .. يا سيدنا الشيخ أنا معجبة بيك جدًا ..
والظاهر إنى حاجبك يا برهومى وحانضم لحزبك .. خد
شفطة من الجلاب رطب حلقك ..
- سيبك من حكاية برهومى دى ..
- يا شيخ ما تبقاش حنبلى وافرد التكشيرة دى وقول
يا باسط .. لوجيت لنا فى البلاتوه حاتسمعنا ننادى
بعض سوسو ويوسو وتوتو وكوتوموتو ، ونبوس بعض
ونخضن بعض كده بمنتهى البراءة .. الواحدة منا تبوس
الواحد فى بقه وكأنها بتشرب حاجة ساقعة أو بتقرقر
لب .. حياة سبور مفيش عقد ولا كبت .. تفكر بوسه
زى دى تدخل عندك فى بند الحرام ..
- تدخل عندى فى بند أسوأ من بند الحرام ، هو بند الهوان

- الكامل والبهدة والرخص لأشياء عزيزة وجميلة . .
 أنا رأي أن القروء حالهم أحسن منكم . . على الأقل
 يفرقوا بين الحب وبين قرقرة السودانى . . لسه عندهم
 متعة بيتقاتلوا عليها .
 - معاك حق . . تعرف إني ما بقيتش ألاقى متعة فى أى
 حاجة وعشان كده جيت لك (تميل عليه بطريقة حميمة) ،
 تفتكر ياسيدنا إني لو غطيت جسمى ولبست حسب
 الشرع ومشيت على دستورك فى العبادة والطاعة ممكن
 ترجع لى المتع الملتية بتاع زمان .
 - المتعة . . المتعة . . المتعة . . إنتى مفيش حاجة عندك غير
 المتعة . . شوفى يا ست إذا كان مال الكيش هدف فى الدنيا
 غير المتعة ، شوفى لك مرشد غيرى . . أنا راجل دين مش
 سمسار متع .
 - بقى بصراحة كده أنا بفكر فى كل حاجة بطريقة عملية . .
 وأنا هدفى من الدنيا الانبساط . . وربنا خلقنا فى الدنيا
 عشان نتبسط ونتمتع . . خلق لنا الأكل عشان ناكل
 مش عشان نجوع . . والآيه ؟
 - بالعكس تمامًا . . ربنا خلق لنا شهوة البطن عشان
 نقاومها ، وخلق لنا شهوة الجنس عشان نحكمها . . ربنا

- خلق لنا الجسد زى السلم عشان نقهره ونطلع عليه .
 - نطلع نروح فين ؟
 - نؤكد وجودنا كأرواح جديرة بالخلود لا كأجساد فانية
 تستعبد لها الشهوات . .
 - مش فاهمة . . المرة دى فلسفتك صعبة شوية ياسيدنا
 الشيخ .
 - يعنى الإنسان ما يقاومش إنسان إلا لحظة ما يقاوم شىء
 يبجبه أو يتحمل شىء يكرهه . . أما حالة الاستسلام لكل
 نزوة فهى دى الآلية الحيوانية . . السباح بياكد إرادته لما
 يعم ضد التيار . . أما إالى يستسلم للتيار يوديه مطرح
 ما يوديه يبقى كيان ميت . . مفيش فرق بينه وبين لوح
 خشب عايم ع الميه . . الإنسانية مقاومة وعمرها ما تكون
 استسلام .
 - كلامك فى الفلسفة لذيذ ياسيدنا الشيخ بس يا خسارة
 كله كلام نظرى .
 - يعنى إيه ؟
 - يعنى مش فاهمة . . يعنى نفسى تدبني درس عملى عشان
 أفهم أكثر .
 - إزاي يعنى ؟

- يعنى تدبني درس في الحب ع الطبيعة كدة .. درس مشفوع بالأمثلة على الواقع عشان أقنع أكثر .. يعنى مثلاً نجرب الحب مع الفلسفة والحب بدون فلسفة .. ونجرب القبله بدون مقاومة .. والقبله مع المقاومة .. نحاول احنا الاثنين نقاوم الجنس عشان نأكد روحنا .. ونحاول مرة ثانية إن احنا ما نقاومش ..
- (في غيظ) إنتي حيوان مفيش فايدة فيه .
- (في دلع) لكن بالذمة مش حيوان ظريف . قطة رومى مدلعة ومترية ع الحجر . بالذمة مش نفسك تدلعي ونسرح لى شعري ؟
- إه ؟
- وتأكلى بلإيدك ؟
- إه .. ؟ يا خبر إسود . !
- ده خبر إسود ده .. !
- ده خبر زفت هباب قطران .. انتي مصيبة .. كارثة .. وباء معدى .. شيطان رجيم .. أعوذ بالله .. ابعدى عني يا ولية .
- حلمك على لحظة .. ادبني فرصة .. حاول تفهما احنا ياسات .. مفيش واحدة ست مستعدة تسمع كلام

- أينشتين الى بتقوله ده .. ولا حاتلاقى واحدة توجع دماغها بالفلسفة بتاعتك دى .. الستات يحبوا يتكلموا في حاجات عملية مفيدة .
- زى إيه ؟
- الموضات الجديدة ، صينية كوسه بالشاميل ، طقم شاي ، سجاجيد شنوا ، ماركات عربيات ، عريس لقطة رانديفو ، تسريحة شعر .. بارفان جديد .. فضيحة مشيرة .. المهم حاجة عملية .. لذة محسوسة .. مش نظريات في الهواء .. ووجع دماغ ع الفاضى .
- يعنى عاوزين منا إيه .. ؟
- يعنى أنا مثلاً عاوزة أعرف حاجيخري إيه لو بستك في بقلك كده .
- (تنفض عليه وتخطف منه قبلة .. ثم تعود لتنفض لتأخذ قبلة طويلة فيترع نفسه منها ويتنفض قائماً وهو يمسك رأسه من الدوار) .
- يا رحن يا رحين .. يا رحن يا رحين .. يا حفيظ .. يا لطيف .. أعوذ بالله من الشيطان الرجيم .. أعوذ بالله .
- مالك يا برهومى .. دخت يا حبيبي .. أجيب لك نشادر .

- غورى من وشى يا ولىة .. إنتى عاوزة منى إيه (بصرخ)

عاوزه منى إيه .. ؟

- عاوزة الصراحة !!؟

- أرجوكى .

- الصراحة الصراحة !!؟

- أيوه الصراحة الصراحة .

- حاكشف لك ورقى وأحكىلك مشروعى كله امبارح كان

عبد ميلادى الثلاثين فكرت أقعد مع نفسى قعدة صراحة

وأفانح نفسى بكل شىء وأحاسب نفسى على كل يوم

عشته .. وكانت مفاجأه .. اكتشفت إنى فشلت فى كل

شىء .. فشلت فى الحياة ، فشلت فى الحب ، فشلت فى

الزواج برغم المليون راجل اللى بيصقفوا لى ، والمليون

ترانزستور اللى بتتف باسمى ، والمليون جنيه رصيدى فى

البنك ، برغم النجاح والشهرة والمجد والفلوس ،

اكتشفت إنى فى الحقيقة بعيش حياة سخيفه مالهاش

طعم . حياة كلها كذب فى كذب فى كذب .. ساعتها

فكرت إنى أطلب الخلاص عندك .. أسيب الشهرة والمجد

وأجى لك فى الخلوة اللى أنت عايش فيها .. وأسلم لك

نفسى تطهرها بطريقتك .

- وعشان كده جيتى ..

- جيت لقيت راجل ما يفكرش فى أى حاجة غير تخليص

نفسه .. وحيد زى بومه فى خرابة ما عندوش ميه

يستحمى ولا ميه يشرب ولا فى بيته كهربا ولا راديو

ولا تليفزيون ولا تليفون ولا حتى حنفية ميه ولا سرير

ولا حتى تواليت للضرورة .. أقولك الحقيقة ..

صدمتى ..

يعنى مفيش خلاص إلا بالقذارة ؟ ..

يعنى مكتوب على الخطيئة إنها تعيش فى قصور البنور

والكرستال ومكتوب على الفضيله إنها تعيش فى جحور

الطين ؟ ..

- اسمحى لى أشرح لك .

- اسكت أرجوك .. أنا عارفة أنك حاتبرجلنى بالكلام

الهيروغليفى بتاع أينشتين بتاعك .. وأنا مش قاضية

للفلسفة والنظريات .. أنا واحدة ست عملية وفى جيبى

مشروع جاهز للتنفيذ فوراً ..

- ادبني فرصة أوضح .

- هس .. اسمع قرارانى النهائية وما تفتحش بقلك .

(نخرج من جيبها ورقة وتقرا) :

قرار رقم (١) - إدخال النور والمية والراديو والتلفون
ولتلفزيون إلى منزلة الشيخ طنطاوى فوراً ، وذلك على حسابي
الخاص .

قرار رقم (٢) - يأخذ الشيخ طنطاوى مفتاح عربى ودفتر
شيكاتى وتوكيل كامل شامل للتصرف فى جميع عائداتى المالية
وإنفاقها على الدعوة لمبادئه كما يشاء .

قرار رقم (٣) - تهدم الخرابه التى يعيش فيها الشيخ طنطاوى
مع الطوايط والحنافس وتردم محتوياتها فى حفرة .

قرار رقم (٤) - تنصب عدة خيام جديدة عصرية مكانها
مزودة بكل وسائل الراحة .

قرار رقم (٥) - على الشيخ طنطاوى أن يتسلم مهام منصبه
اليوم كمرشد روحى للست سونيا وفرقتها الثميلية ليعيش من هذه
اللحظة للآخرين لا لنفسه . . وعلى جميع أفراد الفرقة طاعة أوامره
بلا نقاش وبلا مراجعة . .

قرار رقم (٦) - على الشيخ طنطاوى أن يخلع الخرقه المرقعة
القذرة التى يلبسها ويرتدى زى عصرى مناسب لدوره القيادى فى
فرقة سونيا المسرحية .

قرار رقم (٧) - تعتبر هذه القرارات شاملة النفاذ والتحقيق

فور النطق بها بقوة الحب وسلطة القانون والعقل والمنطق التى تأمرنا
جميعاً بالنظافة والتمدن .

(الشيخ طنطاوى بصرخ محجاً) :

- أنا أرفض هذا الانحطاط .

- سونيا - (فى استنكار) انحطاط . . بتقول انحطاط .

- أيوه بقول انحطاط .

- نور الكهرباء فى البيت انحطاط .

- نور القلب أهم .

- وإيه المانع يكون عندك نور فى القلب ونور فى البيت ؟

- يا ريت بس ندفع الفاتورة من مال حلال . . أما إذا كان

مفيش مال يبقى تنام فى الضلمه أحسن ما ننور البيت من

عرق الست سونيا .

- عرق حبيبتك سونيا من الحلال وحياتك . . ومن عين

الحلال .

- من عين يبشرب منها الخنازير .

(تنزل فيه ضرباً ولكمًا وشلايت وهى تبكى من الغيظ)

- سافل . . منحط . . مجرم . . ليه تكسر قلب ولية غلبانة

عاوزه تتوب . . ليه تقفل فى وشها باب الرحمة ؟

- عشان هى عاوزه تفتح فى وشى باب جهنم .

- أبداً أنا جاية أحط عمرى كله تحت تصرفك .. أحط قلبي
تحت أمرك .. أحط إرادتى تحت رجلك (تعلق بوقته
متوسلة) قول لى إنك حاتساعدنى .. قل لى إنك قبلتنى
عندك .

- متأسف .. أنا رافض .
- (تدفع يديها) إنت حاتقبل غضب عنك .
- (يحاول أن يتزعج بها) أنا أرفض إنى آخذ ملهم من فلوسك اللى
جمعيتها م الدعارة .

- (تدفع بقوة) حاتقبل .. حاتقبل يا برهومى يا سافل لأنك
سافل الخيال .. حاتقبل لأنك بتتمنانى فى أحلامك وإن
كنت بتشتمنى فى يفتك .. حاتقبل لأنى أنا عروسة
أحلامك .. أنا ستسوتك وبسبوستك وقطقوطتك
وشهوتك ووسواسك اللى بيلعب فى عبك بالليل
والنهار .. أنا الحيوان الجميل اللى محبيه تحت العر المرقع
إلى انت لابس .. تحت جلدك وعظمك يا شيخ
يا خباص .. تحت لسانك إلى حاياكله الدود ..
أنا عقلك الباطن بكل رغباته القدرة .. أنا غريزتك
المغروسة فيك .. مش حاتقدر ترفضنى ولا تنزعنى من

دمك ولحمك .. مش حاتقدر تسلمنى من جسمك لأنى
حنه منك .. لأنى حقيقتك .

طنطاوى: (وقد بدأ عقله يتوقف تحت ضرباتها المستميتة وبدأت قواه تقفل منه)

أنا .. أنا .. لأ .. لأ .. أرجوكى .
- (تطوفه بفرعها) حاتقبل لأنى بحبك .. باعبدك لأنك أملى
الباقى وخلاصى الوحيد .. لأنك حياى ونجائى لأنك
شباك التوبة إلى حابص منه للسما .. وأنا باب اللذة إلى
حاتدخل منه لجنّة الأرض .. أنا صندوق الدنيا وعلبة
الملبس .. وكتر المجوهرات .. أنا سونيا .
- أنا ما تحكيش امرأة .. مستحيل .. مستحيل ..
- (ما زالت تطوفه) كل الرجالة بتحكمهم الستات .. احنا
دايماً إلى بنحكم .. بالحب بالجنس بالقباقب بالفلوس
بالاستغفال بالاستحمار بالاستهبال .. وأنا عندى جميع
الأسلحة دى .. وانت عبدى وسيدى وحبيبى ومولائى
وسجين زناتى .. برهومى .. معشوقى .. مالكش
مهرب منى ولا نجاة ولا فرار .
- (يقضم على شفثه وأسنانه) حاهرب .
- (وهى تطوفه بفرعها) إزاي ؟

- (وهو يرمخ) حاهرب .
- مش حاتقدر تهرب منى . لأنى فيك . . فى دمك . . أنا
- يجرى فيك مجرى الدم . . أنا نبضك . أنا قلبك .
- (وهو يرمخ) حاوقف نبضى حاخنى قلبى .
- إزاي ؟
- (يصرخ باكىاً) يا ربى . . ليه خلقتنى ضعيف . . ليه خلقت
- لى الفتنة وسلطت على الإغراء .
- اسأله ليه خلقت سونيا . . ليه خلقت حدود التفاح وشفاه
- الكرز ونهود المرمر .
- (يرمخ) سونيا .
- حيبى . . أملى . . حيانى . . نجائى .
- هلاكى ولعنتى وضعفى .
- أبداً . . أنا نشوتك وأنسك وراحة قلبك .
- أبداً . . إنت ضياعى . . وانخطاطى .
- حيبى برهومى . . ماتفكرش . . انسى كل حاجة . .
- احلم زى ماكنت بتعلم وانت نايم نعبان بتفكر فى .
- سونيا .
- أنا سونيا . . خدامتك وجارىتك .
- (ينهار على صدرها) سونيا .

- أنا سونيا . . ألد سونيا . . أنا الدنيا
- (يقبلها) سونيا .
- البوسة دى معناها إنك مضيت على المشروع . . وبكرة
- لابد من تنفيذ جميع البنود .
- (يقبلها) سونيا .
- سونيا فى خدمة مبادئك . . كل فلوسى رهن إشارتك . .
- كل ما أملك تحت تصرفك .
- سونيا .
- كل فرقة سونيا تحت أمرك . . إنت من بكرة مرشد الفرقة
- الدينى واحنا جميعاً طوع أمرك .
- تطاوعينى يا سونيا ؟
- بدون مناقشة يا حيبى .
- مهما طلبت .
- ولو طلبت روحى .
- هى روحك اللى عاوزها . . عشان أغيرها .
- اطلبها تلاقيها بين إيديك . . أمرك ؟
- فى الحقيقة مش عارف مين اللى حايأمر . . مين حايكون
- الأمر ومين المأمور . . دى هى المشكلة .
- خلى المشاكل لوقتها . . ما تستعجلش . . خلىنا نعيش

ادريس : وهى دى أول مرة نيجى .. ؟ دحنا كل سنا بنيجى

للشيخ .. حانتوه عن مكانه إزاي !!؟

إسماعيل : طيب هو فين ؟

يحيى : صحيح هو فين ؟

عيسى : أنا أحلف إن عشة الشيخ مطرح ما أنا واقف ..

أنا ذاكرتى ما تحونيش .

أحمد : أمال هو فين ؟

زكريا : وإيه المناظر والتعاليق دى ؟

عيسى : العلم عند الله .. كل شىء بيتغير فى الزمن النكد ده ..

كل شىء بيتقلب حاله .

زكريا : قصدك إيه ؟

عيسى : قصدى جايز يكونوا طردوا الراجل الغلبان عشان بينوا

مدينة سياحية أو (يطلق حوله) أو سيرك أو مدينة فنون .

من الحاجات الموضه اللى بنسمع بيها دلوقت .

إسماعيل : (فى بساطة وسذاجة وانفعال) وفيه حد يقدر يطرد الشيخ

طنطاوى قطب الزمان وخاتم الأوليا .

ادريس : والعارف الربانى .

أحمد : والمعدن الصمدانى

يحيى : والغوث

إسماعيل : ويرزخ البرازخ .

ادريس : وفريد عصره ووحيد دهره .

عيسى : العصر دلوقت غير العصر يا خال والدهر غير الدهر والزمان

غير الزمان وشيخنا راجل طيب مسالم .. وأرض ربنا

واسعة .. والله جعل لنا الأرض كلها مسجداً .. تفتكر

الراجل حايقوم الدنيا ويقعدها لو طردوه .. أبداً ..

حايثيل زاده وزواده ويرحل

إسماعيل : لا إله إلا الله .

زكريا : وحايرحل يروح فين ؟

عيسى : علمى علمك

(يدخلون الخيمة الحمرية الفاخرة .. يتلفتون حوهم فى النهار) .

ادريس : إيه دى .. كل دى خيمة .. دى خيمة عجيبة أوى

يا سيادنا .

عيسى : وحاطينها مكان خيمة الشيخ بالضبط .

(يتحسسون السجاجيد والطنافس ويفتحون الراديو والتلفزيون ويحربون

كل شىء فى فضول وطفولة) .

ادريس : دى خيمة ملوكى .. كل حاجة هنا ملوكى يا سيادنا

(يجلس على كرسى من القטיפه ويضع ساقاً على ساق ويضع صرة طعامه

على كرسى آخر .. يمد يده إلى دورق فيه شراب مثليج إلى جواره ويكرع

عدة كروعات من الشراب وهو بمصمص في طرب) الله . . ده شراب
مادقتش زيه في حياتي . . ده شراب من الجنة يا شيخ
أحمد .

أحمد : (يذوق جوعة من الشراب) الله . . ده شراب تفاح .
يجبى : (يكرع كروعة هو الآخر) لا ده شراب لوز .
إسماعيل : (يشرب هو الآخر) لا ده شراب ورد .
(يتمددون كل واحد على كرسي في استمتاع وانبعاث) .

عيسى : (يضرهم بمقرعة في يده) شربتم شراب المترفين وجلستم جلسة
المترفين . . هلكتم يا أبناء الأفاعي . . قوموا . . هبوا من
غفلتكم . . غادروا هذا السجن . . ما لهذا جئنا .
(يتنفضون واقفين واحداً بعد آخر) .

إسماعيل : آى والله سجن . . دنا حسيت من لذة الكرسي إني مسمر
فيه . . مشلول تمام . . مش قادر أسييه . . أعوذ بالله
م الفلوس . . دنا اتبأ لى إني ملكت الكرسي . . أثاربه
هو اللى ملكنى . . يا ساتر يا رب .

عيسى : هكذا عروش الملوك يستولى عليها الملوك في البداية ثم
تستولى عليهم في النهاية . . وهكذا المال تظنه في البداية
خادملك ثم تكتشف في النهاية إنك خادمه .
إسماعيل : صدقت . . الدنيا سجن المؤمنين .

يجبى : وجنة الكافر .
زكريا : أعوذ بالله من سوء الخواتيم .
أحمد : اللهم أحيى فقيراً وأمتنى فقيراً واحشرنى في زمرة
المساكين .

عيسى : إن كل ما على الأرض من شراب اللوز والتفاح والورد
لا يعدل في لذته لحظة واحدة من سكينه القلب . .
صدقونى يا إخوانى . . لو عرف الملوك ما نحن فيه من لذة
لقاتلوننا عليها بالسيوف .

أحمد : مدد يا شيخ طنطاوى مدد .

إدريس : يا دليل الدليل دلنا على أرض الخليل .

يجبى : نظرة يا سيدنا نظرة .

إسماعيل : يا باب النبی . . يا باب الفتوح .

زكريا : (في قلق) الوقت ييمر والشمس حاتغرب علينا ومش
حانلاقى مكان نبات فيه .

أحمد : قلبى بيقول لى إننا حانلاقى الشيخ هنا وإنه مش بعيد .

عيسى : ما افتكرش . . أنا عارف طباعه . . هو ما يحبش الترف

ولا المترفين وما يحبش يعيش جنبهم . . ويهرب من الأغنيا
هربه من المجدومين .

زكريا : ربنا يسوق لنا من يدلنا عليه .

(يدخل الشيخ طنطاوى فى نفس اللحظة من باب خفى فى الجيمة فى بدلة كحل فاتحة أنيقة وكرافته حمراء حليق تمامًا وشعره مكوى مرجل . . حدوده موزدة من الطعام الجيد)

(يدخل منكس الرأس مستغرقًا فى التفكير)

(لا يعرفه أحد من أتباعه ومريديه)

(يتقدم منه زكريا فى وجل)

زكريا : لا مؤاخذه يا حضرة الأفندى إذا كنا دخلنا هنا بدون

استئذان .

(ينظر إليهم الشيخ طنطاوى . . يبيت وجهه لحظة . . لقد عرفهم من أول

نظرة ولكنه كم أمره)

زكريا : لكن معانا عذرنا أصل ده مكان خلوة الشيخ طنطاوى . .

شيخنا اللى بنجيلة كل سنة . . لكن الظاهر الدنيا

اتغيرت . . والحال بقى غير الحال . . وشيخنا شال عزاله

ورحل . . لازم حضرتك عندك خبر بيه . .

يحيى : دلنا عليه ربنا يفتح عليك .

(عيسى يقترب ويتوسل فى وجهه)

عيسى : (فى دهشة) عجيبة . . ده انت الخالق الناطق . . كأنك

أخوه من أبوه وأمه !

طنطاوى : هو يشبهنى ؟

عيسى : كأنك هو !

إليه الفرق بيننا !

هو شفاف زى شعاع الشمس صريح زى النهار فى يوم

صيف ، قوى كما الصلب قاطع كما الماس .

وأنا ؟

معتم زى الأرض رخو كالعجين ملبد كجوز الخماسين . .

أنت راجل بيبدل جلده كل يوم زى التبان . . أنت

شخص من غير شخصية .

طنطاوى : (يلقى القبلة) خيالك شطح بيك بعيد أوى المرة دى يا شيخ

عيسى .

(يتفحص الشيخ عيسى من المفاجأة وقد اصفر وجهه تمامًا)

مستحيل . . مستحيل !!

وليه مستحيل . . الشيخ طنطاوى بلحمه ودمه هو إالى

واقف قدامك .

(يتجمد الدراويش من الدهول . . طوال الحوار التالى يظلون كالتماثيل

يعبرون بإيماءات)

طنطاوى : (يمد يده لعيسى) سلم . . دى إيد الشيخ طنطاوى .

عيسى : (يرفض أن يلم على اليد الممدودة) مش معقول . . أنا

ما أعرفوش . . ولا أسلم عليه .

وليه مش معقول . . وليه ما تعرفوش وليه ما تسلمش

عليه

- أصدق أن الهدوم تتغير .. لكن إزاي النفوس تتغير؟!

- ومين قال لك إن النفوس اتغيرت؟

- لا يمكن تكون الشيخ طنطاوى اللى أعرفه .. اللى يا كل

من الأكل ده ويتقلب ع الحرير ده لازم يتغير .. المال

غير قارون وجعل منه فرعون .

- لأنه وضع المال فى قلبه وضمن بيه ع الجميع ولو حطه فى

جيبه وفرقه ع الجميع لانقلب المال نعمة .. وديننا ليس

ضد المال وإنما هو ضد الذل للمال .

- دى آراء جديدة على شيخنا .

- لكن آراء صحيحة .. ورسالتنا البحث عن الآراء

الصحيحة وطلب الحق بكل سبيل .

زكريا : (هامسًا) سبحان من يغير ولا يتغير (بصوت مرخف) سبحان

من يغير ولا يتغير .

عيسى : سبحان (متلفتًا) ده غير حاجات كتيره أوى (يمويديه على

جوانب الخيمة الحورية) شايف الخيش بقى حرير إزاي بقدره

قادر يا شيخ زكريا .

زكريا : (يتحس الخيمة) يا ترى خيمة مين الخيمة البديعة دى؟

طنطاوى: خيمتى .

عيسى : معنى كده إنك عمدة المولد ده أو السيرك ده .

طنطاوى: تقريباً ..

- وإنك تركت السلك الصوفى وهجرت الطريق .

- مطلقاً .. أنا ما زلت على عهدى .

- إزاي .. دى تبقى فزورة

- سليمان كان ملكًا وكان له هيكل من الذهب وخمسمائة

زوجة ولم يحل هذا دون أن يكون نبيًا له عند الله الزلى

وحسن المآب .. السؤال هو ماذا نفعل .. وليس ماذا

نملك .. أو هو على وجه الدقة ماذا نفعل فيما نملك .

- دى فوازير والغاز .

- لقد كان إبراهيم أبو الأنبياء مالكًا لعدة ضياع وعدة ألوف

من رؤوس الأنعام .. ولكن عندما تطلب الأمر أن يذبح

ابنه تقدم دون تردد ليذبح ابنه .. وحينما أوقد له الكفار

نارًا ليلقوه فيها تقدم وألقى بنفسه فى النار دون خوف ..

السؤال هو ماذا نفعل وليس ماذا نملك .. الغنى المستغنى

مسلم أكثر من الفقير المحتاج .. إن خرقه الصوفى التى

تلبسها لن تجديك نفعًا إذا كنت كذابًا منافقًا .

- هذا علم جديد أحب أن أتعلمه .

- ابقى معى وأنا أعلمك .

- إزاي؟

- أنت مثقف وعندي لك وظيفة تناسبك .
- هي إيه ؟
- مدير بلاتوه .
- (في استغراب) مدير إيه ؟
- مدير بلاتوه بمرتب ٢٠٠ جنيه وعريه وسواق تحت أمرك . قلت إيه ؟
- وحاصل إيه بالضبط في الـ . . . البلاتوه ده ؟
- تنفذ تعليماتي بدون سؤال وبدون مناقشة كعادتنا في أدب الطريق . . . حسب قانون السالكين المريرين مع شيخهم . . . أأست مريدى وأنا شيخك ؟
- كنت شيخى في الماضى . . أما الآن . . فأنا بصراحة أشعر أنى أمام رجل آخر لا أعرفه . . أشعر بالخيرة تمامًا . . لا أفهم ؟
- أأست مؤمنًا بالله وبالقدر . . ألا نصح ونغرض ونجوع ونشبع . . ألا يجرى الله علينا من الامتحانات ما يشاء . . ألا يتلينا بالخير والشر . . ألا يدخلنا فى تجربة تلو تجربة . . لا أفهم ! ؟
- هي تجربة أدخلنى الله فيها وامتحننى بها ويدخلك فيها ويمتحنك بها . . أترفض . . أأستطيع أن ترفض . .

- أأستطيع أن تغير ما خطه الله لنا فى الكتاب .
- حاشا لله . . ولكن لا يجوز لنا أن نرتكب خطيئة ثم نقول إن الله أمرنا بها .
- وهل أمرتك بخطيئة . . وهل أمرتك إلا بخير ؟
- ووظيفة مدير البلاتوه ؟
- هي أن تلبس للناس لبوسهم وتعيش حياتهم وتكلمهم بأسلوبهم . . لو كان مراد الله لنا هو العزلة لما أخرجنا من الأرحام ولتركنا معزولين فى بطون أمهاتنا . . علينا أن ننزل إلى الناس . . إن كلماتنا الجميلة فى الخلوة لا تصل إلى أحد .
- حينما كان الناس فى الماضى يشتغلون بالسحر أرسل الله لهم موسى يخرج من العصا ثعبانًا ، وحينما اشتغلوا بالطب أرسل لهم عيسى ليشفى الأبرص ويبرىء الأعمى ، وحينما اشتغلوا بالفصاحة أرسل لهم من يتحداهم بالقرآن . . كان الله دائمًا يرسل للناس من يلبس لهم لبوسهم . . واليوم الناس يشتغلون بالسينما والمسرح والتلفزيون وليس أمام المصلح إلا أن يعمل فى البلاتوه .
- ولهذا نزلت إلى البلاتوه .
- أنا أدير كل مدينة السينما والمسرح المبنية على المساحة

- الكبيرة خلفك وأشرف على كل ما يجري فيها .
- عجيبة .. دى مواهب جديدة لم أكن أتوقعها من الشيخ طنطاوى .. ألا تخشى أن تخطئ فى هذا المجال الجديد الذى لا تتقنه .
- لا يهم أن نخطئ ولكن المهم أن نتعلم من الخطأ .
- هذه جرأة تذهلنى ؟!
- أحياناً يلقي بنا فى البحر ولا يكون أماننا اختيار سوى أن نتعلم السباحة برغم أنوفنا وبدون معلم .. نتعلم من التجربة والخطأ .
- (بعض دماغه فى حيرة) ولكن .. كيف .. كيف حدث كل هذا .. كأتى فى حلم ..
- هى قصة طويلة ستعرفها فى أثناء عملك فى البلاتوه .
- أهى رواية ؟
- الدنيا أحياناً تبدو كالرواية .
- كيف ؟
- لقد دخل ناس جهنم لأنهم قالوا .. كيف .. ومتى ..
- وأين .. ومن خلق الذى خلق .. ولماذا هناك البصير والأعمى والحشرة والإنسان .. ولماذا يخلقنا الله ويعذبنا ولماذا يُقدر علينا ويعاقبنا .. ولو أنهم آمنوا وأسلموا

- لعلهم ربهم .. ولو أنهم اهتدوا إليه لهداهم فى حيرتهم .
- صدقت .
- صاحبنى ولا تسأل وسوف يعلمنا الله من علمه .
- والبس لبوسك ؟
- وما الضرر ؟
- وآكل طعامك ؟
- وما المانع ؟ الله لم يمنعنا من أكل الطيبات ولا حرم علينا الزينة ما دامت من حلال .
- وهل هى من حلال ؟
- هذا يتوقف على نيتك وفعلك والفم لا تنجسه اللقمة التى تدخله بل الكلمة التى تخرج منه .
- إن ما يخرج من فم الممثلات والممثلين فى بلاتوهات السينما والمسرح ينجس أمة بأسرها .
- هذا هو الأمر الذى سأحاول أن أغيره .
- سيفريك هو قبل أن تغيره .
- هى معركة لا بد منها .
- فرد واحد فى مواجهة عصر .. النتيجة معلومة .
- الأنبياء كانوا أفراداً وغيروا عصوراً .
- إنهم أنبياء .

- والمصلحون كانوا أفراداً أيضاً واستطاعوا أن يغيروا
عصورهم .
- حلم كبير ؟
- لا نستطيع أن نقف مكتوفى الأيدي نرى الفساد يدب في
كل شيء ونكتفى بالتراتيل والتسايع في الحلوات .
- هذا أفضل من أن نفسد مع الفاسدين ونسقط مع
الساقطين .
- الحكم بدون تجربة تشاؤم لا مبرر له والله يأمرنا بألا نبأس
من رحمته . . الواجب أن نحاول قبل أن نطلق أحكاماً
فارغة في الهواء بلا ممارسة وبلا خبرة .
- حاول وحده . .
- أتتركنى أحاول وحدى . . أتتركنى أصرار الطوفان وأقف
أمام السيل وحدى وتهرب متذرعاً بتسايعك . . أهذا هو
الدين . . أهذا هو ولاء المرید لشيخه ؟
- (يصرخ) وماذا أفعل أنا العاجز ؟
- ضع يدك في يدي فتصبح اثنين وتصبح قوتنا قوتين . .
أفقدت الثقة في شيخك . . أما عدت تحب شيخك ؟
- وهل أستطيع . . إنك لتعلم مكانتك مني . . وكيف أضع
كلماتك بين عيني . . بين لحمي وعظمي . . ولو قدتني

- إلى جهنم لسرت وراءك ولو استعرضت في البحر لخضته
معك . . فأنت وسيلتي إلى السماء . . وأنت أحب إليّ
من أهلي وولدي . . وأقرب إليّ من سواد عيني .
- سلمت لي يا شيخ عيسى . . وسلمت أيامك (يعانقه)
- سأمشي وراءك ولو قدتني إلى الهلاك .
- بوركت يا شيخ عيسى وبوركت أيامك .
- سوف أصبحك إلى ما تريد . . هذا قدرى .
- بشرط . .
- وما الشرط
- أن تكون مثل قروود الحكمة لا ترى ولا تسمع ولا تتكلم
وإنما تتعلم . . تصاحبني ولا تسألني . . هذا هو العهد بين
المرید وشيخه .
- أنا عند عهدي .
- وغداً تخلع الخرقة وتلبس ثوب العمل الجديد .
- (المراديش الشحاذون الذين كانوا يحملون مبهوتين طوال الحوار الدائر
ويعتمتون بتسايع خافتة ويشيحون بأذرعهم في حيرة ويرددون كافة
الإيماءات . . نراهم الآن يحيطون بالشيخ طنطاوي والشيخ عيسى
ويتكلمون في وقت واحد) .
- واحنا يامولانا . . ما مصيرنا ؟

- حانروح فين؟
- حانعمل إيه؟
- وإيه التصريف؟
- حانرجع ديارنا؟
- الشيخ طنطاوى: أنتم حاتكونوا معانا.. حابوزعكو الشيخ عيسى ع الوظائف والأعمال الى يشوفها مناسبة.. وعندنا أعمال كثيرة فى حاجة إلى أيدي بالشرط إلى اتفقنا عليه.. إن كل واحد لا يرى ولا يسمع ولا يتكلم وإنما يتعلم.. هذه كلمة العهد والميثاق على الجميع.
- (أصوات متعددة).
- سمعنا وأطعنا.
- كلنا تحت الأمر.
- الله يفتح عليك.
- الله يكرمك.
- بقينا موظفين يا إخوان.
- ولنا رواتب وكسوة ومعلوم.
- ونأكل مالذ وطاب من الحلوى والكباب.
- هذا رزق من السماء.
- يا ترى مين إلى بيدفع.

- (تدخل سونيا فى ثوب تركواز طويل فاتح عارية الظهر وعلى صدرها وردة ذهبية وشعرها الأشقر يتناثر على ظهرها كسابل القمح).
- (يتنفض الدراويش كأنما لدعهم عقرب).
- (نسمع همهمات استغفار وتعوذات).
- (بعض الدراويش ينظروا إلى الأرض، البعض ينظروا إلى الجدران.. البعض ينظروا إلى السماء.. البعض يسترق النظر فى فضول.. الشيخ عيسى يتجمد فى مكانه.. تلفت سونيا فى وجوه الدراويش مبتسمة).
- طنطاوى: (مشيوا إليهم) دول هم العمال والموظفين إلى كنا بندور عليهم.. وده أخويا الشيخ عيسى شاب مثقف أمين وهو أنسب الموجودين لوظيفة مدير البلاتوه.
- سونيا: (ما زالت تطمحهم بابتسامة) اختيار مناسب جدًا.. يتعينوا فوراً.. ويتسلموا أعمالهم من الآن.. أوامر برهومي لا تناقش.
- (تدق على جرس)
- (يدخل خادم)
- سونيا: (مشيرة بيدها إلى الموجودين) خدوهم لغرفة الملابس يقلعوا فى ضحكة خافتة) ملابس التشريفة دى.
- الشيخ عيسى: (متمرّضا فى صوت غليظ مشروخ من الانفعال) إيه هى الحكاية يا شيخ طنطاوى.. أنا عاوز أفهم.
- طنطاوى: (فى صوت حاد باتر أمر قاطع كالصلب) هل نسيت أنك لا ترى

ولا تسمع ولا تتكلم . أهذا ميثاق المريد مع شيخه ؟
الشيخ عيسى : (بطاطي رأسه في امتثال) سمعنا وأطعنا .
الشيخ طنطاوى : روح بهم لغرفة الملابس .
(مخرجون)

(سونيا والشيخ طنطاوى وحدهما . كلاهما ينظر الى الآخر . سونيا باهرة متألقة مثل التفاحة المحرمة . والشيخ طنطاوى ينزع جسدها بنظراته في تحدى)

سونيا : إيه التحف دى . . . هى دى نقابة الشحاتين إياها .

- أبوه يا ستى هى نقابة الشحاتين إياها .

- أراهنك حاتمهم حياة البلاتوه أوى . . . وحايجروا السلك الدبلوماسى بتاعك .

طنطاوى : (وهو يتهاك على الكرسي الأوسط الذى يشبه كرسي العرش) باين عليهم القرف التام م الجو .

سونيا : (تدور حول الكرسي) ما داقوش طعم المهلبية لسة .

- ما تستعجليش الأمور . . . هيه . . . إيه أخبارك .

(فى أثناء الحوار يكون طنطاوى جالساً وسونيا تدور حوله تحاوره وتناوره وتلاعبه وتغازله وتغريبه . هو طول الوقت محورها . ثم يعكس الوضع فجلس هى ويقوم هو فى عصية ظاهرة . يدور ويلف حولها ويحاورها فى توتر وعصية . . . هى طول الوقت محوره)

- حانتدى البروفات من بكره . . . الكل فى حالة

استعداد . . . ستاند باى .

- حانسمى الرواية إيه ؟

- الحب والحرب .

- (يمسك يدها) اسم جميل . . . فالحب هو الحرب بعينها . .

المرأة تعلن الحرب على الرجل من أول نظرة فتحاول أن

تتزرعه من أهله ومن أصدقائه ومن عمله ومن نفسه . .

وتغار عليه حتى من الكتاب فى يده ، ومن الفكرة فى

رأسه . تغار من نجاحه وكأن نجاحه عدوها . . الحب

البشرى أحياناً هو العداوة مقنعة .

- يا ساتر . . . أعوذ بالله ده كلام راجل صوفى يدعو الناس

إلى الحب .

- أنا أدعو الناس إلى حب الله وليس إلى حب المرأة . . فالله

وحده هو الذى يُحِبُّ ويُعَبِّدُ لأنه وحده كامل

الصفات . . أما المرأة فواجب الرجل العاقل أن يخشاها

ويحذرهما .

- (تغازله وتعيث فى شعره) بعد كل إلى عملته . . تخشاني

وتحذرنى . . ألم أعطك كل شىء . .

- لتحصلنى على كل شىء . . لتستولى على روحى ذاتها .

- وحتي روحك لن تكفيني .. صدقني ..
 - نعم .. أنت تريدن أرواحنا جميعاً .. تريدن استعبادنا جميعاً .. ويا له من ثمن رخيص في سبيل هدف غال ..
 (يدفع يدها ويب من كرسى في عصىة) ثم ماذا تفعل المرأة إذا استولت على روح رجل .. إنها تعتبره موضوع انتهى بحثه ، وتلقى به في أول منزلة وتبحث عن رجل آخر ..
 عن ضحية أخرى وعبد آخر ..
 - (تهالك على الكرسي) وهو نفس ما يحدث إذا استولى الرجل على روح المرأة فخضعت له كالعبد الرقيق .. إنه يعتبرها موضوع انتهى بحثه ، ويرمى بها في أول منزلة ويبحث عن ضحية أخرى .. وجاريه أخرى .. إن الملل القاتل واستنفاد اللذة يترصد للثنين طول الوقت ..
 - (يدور حولها) والمرأة تحاول أن تصرع الملل بالغيرة .. إذا رأت أن رجلها بدأ يطمئن إلى حبها تعطي نفسها لآخر ليجن جنونه ..
 - أقل ما يرضيني أن تجن بي ..
 - أرايت .. هي إذن معركة .. حرب .. شر .. قتل ..
 - (تغازله وتعاينه وتمسك بيده) بل هي اللذة واشتعال الأعصاب .. يا برهومي حاقتلك .. حاقتلكو كلكم ..

- مش حاتكون مسألة سهلة ..
 - أنا سونيا .. أنا الدنيا .. أنا وصفت مجربة بطول التاريخ ..
 - أنا أكرهك ..
 - (تقوم إليه في تحدى) ويتجبنى بتعبلى .. وغيرت حياتك كلها عشاني ..
 - أكرهك (بمضغها في يأس وضعف) أحبك .. أنت الشيطان نفسه .. عاوزة منى إيه (في تشنج) عاوزة منى إيه ؟
 - حاجات كتيره .. إحنا لسه في أول الشوط .. إحنا لسه في حرف الألف ..
 - أنت هلاكي .. أنت هلاكنا كلنا .. (يفض ذراعها عن جسده) دى أذرع أخطبوط .. سجن .. زنانه ..
 - زنانه في الجنة ..
 - زنانه في الجحيم .. حاطم قضبانها ..
 - فات الأوان يا برهومي والقطر قام .. مش حاتقدر تنط منه .. إلا إذا كنت عاوز تنحرف .. والمؤمنين مايستحروش ..
 - ربنا حاينجيني منك ..
 - وليه بتتصور إن ربنا في صفك ومش في صفي .. ربنا

أعطاك يد قوية تقتل بها الحشرة وأعطى الحشرة جناح
تهرب بيه منك... ربنا مع الكل... وإذا كان ربنا
يحمي الحشرات م الإنسان يبقى من باب أولى يحمي
الستات م الرجال المجرمين أمثالك حتى ولو كانوا أوليا .
- قريبي الكلام ده فين... ده مش كلامك .

- في رواية مثلها السنه الى فانت .
- من تأليف الحشاشين السكبرين مخايل العقول أنصار
الحشرات أصحابك... ولكني بظمنك... فالله مع
أوليائه بل هو دائماً ناصر أوليائه... ولكن السؤال... هل
أنا من أوليائه... هل ما زلت من أوليائه... السؤال...
من أنا الآن... ومن أعبد... من أعبد .

- بتعبدني يا حبيبي... ده سؤال بسيط جداً .
- كذب... كذب... كذب... ده مش حايحصل أبداً .
- اتشج يا حبيبي زى ما انت عاوز... لكن الحقيقة هي
الحقيقة .

طنطاوى: (في صوت حاد وقد أفاق غمماً) الحكاية لسه ما انتهت
يا سونيا... احنا لسه في أول الشوط... لسه في حرف
الألف زى ما قلت... ما تستعجلش .
(صوت جرس ثم يدخل خادم يتقدم من سونيا ويميل على أذنها) .

سونيا : (ناظرة إلى طنطاوى) هيئة الإدارة عاوزة تتعرف عليك .
طنطاوى: يتفضلوا .

(يخرج الخادم مسرعاً) .
(يدخل في أعقابهم أربع رجال يلبسون القبعات والقمصان المشجرة...
شعورهم مرسلة وأزيائهم فيها إغراب الفن والحرفة... وشكلهم كرجال
العصابات) .

سونيا : أقدم لك هيئة إدارتي... «جدو» المدير المالي في جيبه دفتر
شيكات بليون جنيه...
«أونكل» الرأس المخطط والدماغ الجهنمي للفرقة .
«وتوتو» المخرج «وجيمي الفونت» مصمم الرقصات
ودرويشنا المغفل الى بيسكر ليل نهار ويقول إنه عاوز
يكون صادق مع نفسه .

طنطاوى: (ساعراً) إلى بيسكر عندكو ليل نهار بتسموه درویش .
سونيا : درویش مودرن .

طنطاوى: تقدم عظيم في استخدام الألفاظ .
سونيا : الدنيا بتتطور يا برهومي .
جيمي الفونت : (يخرج زجاجة الخمر من جيبه) دى السبحة المودرن ماركة
جيمي الفونت... .

طنطاوى: بتسبح بتقول عليها إيه يا فونت .

جيمي الفونت : بقول يا زمن زفت .. زفت .. زفت .. زفت ..

زفت .. زفت .. زفت .. زفت ..

طنطاوى : (صاحكاً) لا صدقت .. درويش مودرن فعلاً .

جيمي الفونت : المهم تكون صادق مع نفسك يا مسيو شيخ ..

والباقي طظ (يمرح من الزجاجة) طظ .. طظ .. طظ ..

طنطاوى : (لسونيا) عندك هيئة إدارة ممتازة يا مدام سونيا .

سونيا : كلها تحت أمرك يا برهومي .

جدو : تكاليف بناء المسجد بلغت ميت ألف جنيه وتكاليف إنشاء

مدرسة تحفيظ القرآن بلغت عشرين ألف جنيه ..

ونفقات البروفات والتصوير والملابس الخاصة بالرواية

الاستعراضية وصلت فيه وخمسين ألف جنيه .

سونيا : كل طلبات برهومي تجاب فوراً .

أونكل : ع العموم سيدنا حاشوف عرض عظيم برضيه .

جدو : البروفات حاتكون مفاجأة .

جيمي الفونت : حاشوف فن يا شيخ مسيو برهومي .. فن الخواجا

فونت .

طنطاوى : إذن نأجل الكلام إلى ما بعد مشاهدة البروفات وإلى اللقاء

غداً .. إلى اللقاء مع الفن .. ومع الفونت .

(ستار)

الفصل الثالث

(صحراء .. ليل

نفس مكان الفصل الأول لكنه الآن يضج بالحياة والحركة .. أسلاك النور تمتد في

الفضاء والتوصيلات والأعمدة والكابلات في كل مكان .. ولبات كهربائية كبيرة

تتلى من الأعمدة وتحيل ليل الصحراء إلى نهار .

بالونات الزينة والبطيخ الأحمر والأزرق والأخضر تتلى حول الحيام .

هناك ساحة في وسط الحيام تستغل كبلاتوه للتصوير وحولها كاميرات سينمائية .

لوحة بالتعليقات تتلى من مكان ظاهر في المسرح مكتوب عليها .. «ممنوع القبلات

والأحضان» .. ولوحة أخرى مكتوب عليها .. «ممنوع هذه المشروبات : النبيذ

والويسكي والبراندى والعرق والبيرة والزيب - إمضاء الشيخ طنطاوى» ولوحة ثالثة

مكتوب عليها .. «ممنوع لحم الخنزير» - إمضاء الشيخ طنطاوى .

فرقة سونيا المسرحية تشاهد في الساحة في حالة حركة دائبة ونشاط .. من

الراقصات .. ماريكا وزازا ونانا وفاني وراشيل .. ومن الممثلين موسو ويوسو وميمي

وجيمي .. المخرج توتو يقف عند إحدى الكاميرات .. ومكبب صغير يجلس عليه

«أونكل» وإلى جواره العجوز «جدو» .. أغلب أفراد الفرقة يلبسون القبعات ويطلقون

اللحي العجيبة والسوالف والشوارب ويرتدون القمصان المشجرة والبلوزات الحمراء

والبنطلونات المخزقة .

أحمد وعيسى وزكريا وعيسى واسماعيل وإدريس هم الآن عمال وموظفون
وخدم .. يظهرون بين وقت وآخر وهم يكسبون أو يلبون الطلبات أو يساعدون
الأرست على ارتداء وخلع ملابسهم أو يساعدون في تغيير الديكور .
نسمع كلمة « ستاند باي » من المخرج .. ثم تضاء الكشافات ونرى رقصة « الحب
والجنس » تقوم بها الراقصات مع الممثلين .

حركات تعبيرية تروى قصة الحب من أول نظرة إلى السلام فالسلام فاللقاء فاللقاء
فالعناق فالفرش .. إلى أن يأتي المأذون في النهاية فيعقد العقد .

بدخل الشيخ طنطاوى في ذراع سونيا في بذلة بيضاء أنيقة وقد شذب شاربه
وهندس سوائفه .. ما زال مهيب الطلعة .. سونيا في ثوب أحمر طويل فاتن ..
ظهرها عريان .. وشعرها المذهب يهوى على ظهرها .

تكون دخلته في ذراع سونيا في لحظة تبادل القبلة بين الراقص والراقصة فيهتف
مستكراً وهو يخلع نفسه من ذراع سونيا ويتقدم إلى الراقص فيبعد شفتيه عن شفتي
الراقصة .

- أنت ما قريتش اللايحة .. قلنا ممنوع القبلات .

المخرج توتو : دى مش قبلة يا مسيو برهومى .. دى أداء تعبيرى ..

فن .. باليه .. ابستراكت .. حاجة راقية غير المسخرة

إلى انت عارفها .

- ممنوع القبلات يعنى ممنوع القبلات .

سونيا : أوامر برهومى تمشى من غير مناقشة يا توتو .

- لكن الرواية .. الحبكة .. التسلسل .. الرقصة بتعبّر عن

حكاية حب .. نظرة فابتسامة فوعد فلقاء فقبلة فعناق ..

حلقة بعد حلقة .. نعمل إيه فى حكاية القبلة .

الشيخ طنطاوى : (يهش رأسه) ممكن تكون قبلة فى الهوا بدون

تلامس .. يعنى شبرين مسافة بين البنت والولد .

(يشرح عملياً على البنت والولد)

جيمى : (ساعراً) بيعت لها بوسة فى الهوا .. افهم يا أستاذ .

توتو : طيب حاضر .. أمرك .. ستانداى .. نعيد اللقطة

حسب أوامر مسيو برهومى .

(يعود العرض من جديد إلى أن تصل القصة إلى العناق والفرش .. نرى

حركات راقصة إيمائية تعبر عن الجنس .. يصرخ الشيخ طنطاوى فى
استنكار) .

- عظيم .. مدهش .. Formidable Superb ..

شئ رائع يا أستاذ توتو .. دعاية عظيمة للدعارة على

موسيقى شتراوس .. تطور مذهل لفن الانحطاط .. من

أى ماخور جيت الفن ده يا أستاذ .

جيمى الفونت : (الذى وضع تصميم الرقصة) ده كوريوجرافى مودرن

يا مسيو برهومى .

طنطاوى : من أى بيت سرى استوردت الكوريوجرافى المودرن ده .

جيمى الفونت : من باريس .. آخر صيحة فى باريس .

طنطاوى : دى صيحات من اختصاص بوليس الآداب فى كل

مكان .. دى مخدرات مهرة فى علب ملبس مؤامرة على
الجماهير .. تسول جنسى لصالح الشباك وجيب الست
سونيا .

صمت تام

(تبادل الفرقة النظرات)

(أونكل وجدو ينظرون لبعضهما ، وللشيخ طنطاوى نظرات ارباب) .

سونيا : (تقطع الصمت فى رقة) برهومى .. أنت أعصابك ثائرة
النهاردة أكثر م لازم .. أسأت الظن بالأولاد والبنات
بدون داعى .. وضخمت المسائل .. والأمر أتفه من
الثورة دى كلها .. مؤامرة وجماهير ومخدرات مهرة
(تضحك) إيه ده .. أنت عندك النهاردة نوبة زعامية
خطيرة .. كريمة مش مفهومة .. الحكاية بسيطة أوى ..
ممكن تعدل فى الكوريوجرافى زى ما انت عاوز .. اعمل
إلى يعجبك .. كلنا هنا فى خدمة مبادئك .

جيمى : (ساحوا) ع العموم المأذون حايدخل فى آخر الرقصة ويعقد
جواز البنت والولد .. يعنى الختام حايكون شرعى بإذن
الله .. أستغفر الله إحنا ما نجيش الزنا .

أونكل : تمام كلام « جيمى الفونت » يا مسيو برهومى .. دى
رقصة شرعية تنتهى بالنكاح الحلال .. إحنا لاندعو

إلا إلى النكاح الحلال .. أستغفر الله .

طنطاوى : شىء جميل يا أونكل .. يا داعى إلى الشرع الحلال ..
لكن أظن أنه حتى الأزواج لا يمارسون الوطء الحلال
أمام أعين المتفرجين يا أونكل .. العملية ليست للعرض
العلنى .. إن الحمل وهو الحيوان الأعجم لا يستطيع أن
يضاجع الناقة إلا فى الظلام بعيداً عن العيون .. ولورأى
عيناً تلتصص عليه يمتنع خجلاً .. وهو الحيوان .

أونكل : ولكن إحنا مش حيوانات يا مسيو برهومى .

طنطاوى : بالضبط يا أونكل وعشان كده لا نخجل ولا نستحي من
أى شىء ، فنأكل بدون جوع ، ونشرب بدون عطش ،
ونقتل بلا سبب ، ونفترس بلا غاية ، ونمارس ألوانا
من الشلوذ لم تعرفها الطبيعة .. مش كده يا سوسو وبوسو
وحوتوسو (يصرخ) مش كده يا حثالة أرصفة باريس ولندن
وروما .. مش كده يا زبالة الأجناس البشرية .

سونيا : برهومى .. حبيبى .. ما تفورش دمك .. البرنامج رهن
إشارتك .. ممكن تعدل فيه زى ما تحب .. مفيش لزوم
للغضب .

طنطاوى : (فى غضب) طيب .. نشطب اللقطة الجنسية المباشرة .
سونيا : اشطب اللقطة الجنسية ياتوتو .. الحركات المباشرة بس

هه .. مفهوم .. العرض تانى على بعضه .

نوتو : ستاند باى .. كلا كيت .

(تعود الرقصة من بدايتها إلى أن يدخل المأذون فترى شيئاً يدخل مثل الأراجوز بالعمة والحبة والقفطان .. بعد الحركات التى توحى بالعقد يخرج المأذون فتشيعه الفرقة بالصغير .. العريس يجرى خلفه وفى يده هراوة فى حركات إيمائية كأنما يريد أن يتقم منه وكأنما يريد أن يهوى بها على رأسه انتقاماً للمصيبة التى أوقعه فيها) .

(ضحك مكثوم من الموجودين طول الوقت ثم صمت)

(الشيخ طنطاوى ينظر حوله نظرة صفراوية وهو يكر على أسنانه) .

طنطاوى : مين اللى وضع الكوريوجرافى لرقصة المأذون الشرعى .
أونكل : جيمى الفونت .

طنطاوى : أظن المره دى مش حاتقول جايبه من باريس فهم هناك ما يعرفوش المأذون الشرعى يا فونت .

جيمى : لا .. المرة دى من تصميمى وتفكيرى .

طنطاوى : برافو .. واضح أن لك رأياً عظيماً فى الجواز ، وأنك بتحترم الشرع أوى .. وبتحب الحلال أوى أوى .

جيمى : أنا عارف إن رأى مش حايعجبك .. لكن الحقيقة إن الجواز حاجة زفت .. شىء غير طبيعى .. شىء مقرف يا مولانا لا تؤاخذنى .. أنا فنان ولا مجاملة فى الفن

والصدق مع النفس مذهبى .. مش عاجبك ارفدنى .

سونيا : (فى حث ودلع) دى رقصة كومبك يا حبيبى .. فودفيل

خفيف واقتكر انت معايا إن الجواز أحياناً يكون

مهزلة .. وعشان كده ربنا شرع الطلاق .. والفن متعة

ولوتحول إلى مواعظ يفقد وظيفته .. والفونت بينى

وبينك معذور .. إسألنى أنا .. أصل مراته بتاكله علقه

سخنة كل يوم .. والنهاردة باين عليه واكل كام شبشب

(ضحك) .

طنطاوى : (يهوش ذهنه مفكراً) طيب .. موافق .. سجلوا الرقصة

بشرط تخفيف لقطات الكوميدي (ينظر إلى سونيا فى ود)

هيه .. راضيه عنى ؟

سونيا : أوى .. ده انت بتتطور بسرعة مذهلة .. بقيت برهوم

مودرن صحيح (تلفعه فى صدره) سبقتنى يا مضروب .

طنطاوى : وإيه أخبار الملابس ؟

سونيا : وصلت فى صناديقها من باريس .. موديلات تجنن ..

آخر صيحة فى الجمال والذوق .

- عاوز أشوفها .

- (تصفق) يا أونكل أطلب عينات من الملابس عشان يشوفها

مسيو برهومى .

أونكل فوراً . . .
 (يخفي أونكل مسرعاً من باب خفي) . . .
 سونيا : بيير كاردان هو الذي رسم تصميماتها بنفسه . . . بالمناسبة . . .
 هو صاحب . . .
 طنطاوى : تشرفنا . . .
 سونيا : لكل المواضع الجميلة إلى بتجينا بتطلع من دماغ بيير
 كاردان . . . هو بالنسبة لنا إحنا باستات . . . غرفة
 عمليات . . .
 طنطاوى : غرفة عمليات . . . شىء عجيب . . . يعنى إيه دى كمان . . .
 سونيا : يعنى هيئة قيادة . . . أركان حرب . . . مارشال مواضع . . .
 كلمته أمر . . . لما تشوف الفساتين طلعت فوق الركبة يبقى
 تفهم على طول إن فيه أمر صدر من مكتب بيير كاردان فى
 باريس . . .
 طنطاوى : أمر بتشليح كل النسوان . . .
 سونيا : إيه البشاعة دى . . . ليه كلماتك بشعة كده . . . تشليح إيه
 وبتاع إيه . . . الحكاية حكاية جمال وفن وذوق وتجديد . . .
 حاول تتخلص من الخلافة الريفية دى . . . حاول تتطور
 شوية . . . الدنيا بتجرى . . . بتطير . . . بتركب صواريخ . . .
 وانت قاعد لسه على دكة الفقى بتقرا فى لوح أردواز . . .

قوم من ع الدكة دى شوية روح بوتيك والا ستريو
 والا نايت كلوب . . . انفرج ع الدنيا حواليك . . . شوف
 جرى فيها إيه . . .
 طنطاوى : جرى فيها إيه . . .
 (يدخل أونكل وعلى ذراعه عدة فساتين هفافة مرصعة بنجوم من التتر
 والألماظ) . . .
 (سونيا تأخذ أول فستان وتعرضه)
 - شوف المواضع الحلوة . . . ده مثلاً . . . فستان رقصة
 الحب . . .
 (ينظر طنطاوى مبهوراً وهى تقلب أمامه الفستان . . . ويفحصه بعين
 حائرة) . . .
 طنطاوى : ده فستان . . . أنا مش فاهم إزاي ممكن ده يكون
 فستان . . . ده كله يتحط فى علبة كبريت . . . ده لا يمكن
 يستر فرخة . . . ثم إيه الفتحتين الكبار إلى ع الصدر دول . . .
 سونيا : ده عشان تطلع منهم الفكهة يا مسيو بروهومى . . . عشان
 يطل الرمان من على شجرة . . . الله . . . ما تفهم بقى . . .
 طنطاوى : آه . . . عشان صدر الرقاصة . . . بـ . . . الله . . . طيب
 ما ترقص عريانه وخلّاص إيه لازمة الحشمة دى . . . ليه
 الشرع واخذ حده معاكو كده . . . ليه الطبع الحنبلى ده . . .

سونيا : أوه .. انت فطيع .. دى الصيحة الجديدة .. موضة

سنة ١٩٨٣ ..

طنطاوى : إلى رسمها بيير كاردان وصدرت بها الأوامر من غرفة

العمليات فى باريس عشان تنتشر عندنا .. ويطل الرمان

من على شجرة .. تعليمات استراتيجية عجيبة .. ده إيه

التقدم العظيم ده دنا كنت نايم على روحى صحيح ومش

عارف إيه اللى بيجرى فى الدنيا .. شىء جميل .. وإيه

النجمة الأماظ دى ..

سونيا : دى حانكون هنا (تشير إلى بطنها) ..

طنطاوى : هيه .. على ميدان العتبة الخضراء .. لفت نظر إلى موطن

الخير والبركة .. إلى كأس الترحنة وصرّة المسك .. حيث

يجب أن تطوف العيون وتخضع القلوب والأبصار .. شىء

جميل (يصرخ فجأة) شىء منحط تمامًا .. شىء دنىء

فاحش داعر سافل ..

سونيا : بلاش مبالغات أرجوك .. أنا معاك أن العرى حايبصدم

العين فى الأول لكن بعد كده حايبقى مألوف وعادى لما

ينتشر .. وبعدين حايبقى عرف وتقليد .. تمام زى حكاية

المبنى جيب والميكرو جيب .. كل الستات بيلبسوه دلوقت

بحكم العادة المعتادة ..

طنطاوى : بالضبط .. ودى خطة المارشال بيير كاردان إلى رسمها فى

غرفة العمليات .. إن الفحش عندنا يبقى العادة المعتادة ..

سونيا : قصدك إيه ..

طنطاوى : قصدى إني بديت أشك فى إالى بيجرى حواليا .. دى

مش حاجات بسيطة مما يمكن أن يسمى موضات

وتقاليع .. إنما الأمر أخطر وأجل من ذلك بكثير ..

سونيا : مش فاهمة .. معنى كلامك إنك مش حاتوافق ..

طنطاوى : (فى جدية كأنما بدأ يكتشف أشياء) المره دى المسألة جاتعوز

تفكير .. تفكير جاد وخطير .. وأفضل إن احنا نأجل

البت فى الموضوع ..

سونيا : أنا النهاردة مش قادرة أفهمك ..

طنطاوى : ولا أنا قادر أفهم حاجة .. الظاهر إني كنت فعلاً نايم

وغرقان فى النوم .. وإني بديت افتح عيني ..

سونيا : وحيثأجل البت كثير ..

طنطاوى : لا .. يمكن بكرة بيتضح كل شىء ..

سونيا : (ترت على عهده فى دلع) وبين النهارده ويكره تتغير حاجات

كثير .. زى العادة يا حبونى .. بين يوم وليلة بغيرك ..

وأطورك ..

طنطاوى : الظاهر أن التطور اليومين دول بيجرى بسرعة أوى كما لو

كان وراءه إيديين شيطانية .
سونيا : إيديين ملائكية وحياتك (تلوح له يديها) تفتكر دى إيديين
شيطان ؟

طنطاوى : جازيز شيطان لابس جوانتى حرير .
سونيا : شيطان بالحلاوة دى !
طنطاوى : هو دايما بيكون حلو .

سونيا : ومين يقدر يقاومه وهو بالحلاوة دى .
طنطاوى : اللى حايكشف عن وجهه القناع .
سونيا : حاتقدر تكشف عن وجهى القناع .

طنطاوى : لو فقت لنفسى وصحيت صحو تام .
سونيا : كل ده ومش صاحى .
طنطاوى : أبداً . أنا دايخ . دماغى بتلف من يوم دخلت الأسلاك

والماكينات والأضواء الأرض البكر اللى كنت عايش
فيها . . . مش قادر أخلا بنفسى لحظة . . . دوشة الماكينات
دخلت جوه دماغى . . . نور الكشافات غشى بصرى . . .
(يغطى على عينيه) .

سونيا : حط إيدك على خدى . . . (تأخذ أنامله وتقررها على خدها) . . .
شفت فيه قناع . . . وهنا . . . وهنا فيه قناع . . . (تقبل أنامله فى
حنان) أنا بحبك من غير أقنعة يا برهومى .

طنطاوى : (يفتح عينيه بمحلق فيها وفى أضواء الكشافات يترنح) النور . . . طفوا
النور . . . كل شىء هنا صناعى . . . كل شىء مفتعل . . .
كل شىء كذب .

سونيا : مالك . . . جرى لك إيه .
(ينهاك طنطاوى على كرسى)

سونيا : إنت محتاج للراحة يا جبونى . . . إنت بتجهد نفسك كثير
عشاننا . . . روح أودتك مدد لك شوية . . . وحاجيلك بعد
لحظة .

طنطاوى : (يقف بمسح على عينيه) لا متشكر . . . الحمد لله فقت . . . كان
دواراً عابراً . . . نستمر فى العمل . . . مفيش وقت
للدلع . . . قولى لى . . . إيه أخبار رقصة الحرب . . . وصلت
الأسلحة المطلوبة .

سونيا : ما تشغلش بالك الأسلحة فى الطريق وحاتوصل حالاً .
طنطاوى : طيب . . . أنا حاروح فى مكنتى أستأها . . . واستمروا انتوا
فى عملكم (يلفت إلى الأولاد والبنات) وحانبه مرة ثانية . . .
إياك حد يخالف اللوائح . . . المرة دى مش حاسامح حد .

(مخرج)
(بمجرد خروجه نرى المسرح يتحول إلى شقليات . . . وكل ممثل يقف فى
بهلوانية وكل ولد يحتضن بنتاً ليقبلها فرحاً بزوال الكابوس) .

أينته . . . خراج الكابوس . . .
ما تعالوا نبوس . . .
(نرى الشيخ إدريس يرقص ويتخط مع هاريكا وهي تضحك)
شيخ إدريس يا شيخ إدريس
ياسلطان الملاحيس
شيخ إدريس يا شيخ إدريس
ياسلطان الملاحيس
(جيمي الفونت يخرج زجاجة شمبانيا من تحت الكرسي ويقبضها على فمه
دفعه واحدة)
توتو : (في دهشة لجيمي) إيه ده يا فونت . . . ممنوع . . . اقرأ اللائحة
(يشير إلى لائحة المنوعات)
- دى شمبانيا وحياتك . . . غير وارده فى لائحة
المنوعات . . . الدرويش الكرودية ما سمعش عن الشمبانيا
ولا يعرفش إنها منكر . . .
(جيمي يترنح بعد أن التهم الزجاجة ويخرج من المسرح وهو ينفى ويدندن
بفمه)
جيمي : (يدندن)
بيجوزونا ليه . . .
ترللا . . . ليه . . .

ترللا . . . ليه . . .
(يصطدم بأونكل فيغمم)
جيمي : ما تفرحش يا أونكل . . . يومك جاى . . . عقبال ما نمشى
فى جوازتك . . .
(زازا الراقصة الفديت تدور حول نفسها فى مهارة)
زازا : إيه رأيك فى الرقصة دى يا فونت
جيمي : برافو . . . charmante . . . magnifique
زازا : عجبتك
جيمي : قر . . .
زازا : تتجوزنى يا فونتوتو . . .
جيمي : وليه الأذية دى . . . ما تخليكى كده قر بدال ما اتجوزك
وتبقى غراب . . .
- غراب غراب مرة واحدة ؟
- وجدّايه وبومه كان . . . تحولات فزيولوجية جوازية . . .
- مش بتحبى يا فونتوتو . . .
- شفوى مع إيقاف التنفيذ . . . وردة فى جبينه . . . كل واحد
فى حاله . . . مش عاوز أقطف . . . لو قطفتك خاحطك فى
زهرة . . . وبعدين أرميكى فى الزبالة . . . كان لازمته إيه
يا فونتوتو . . . ما كنا كويسين يا فونتوتو . . .

- شربات يا فونتوتو .

(يخرج جيمي من المسرح وهو يندندن) .

ييجوزونا ليه . . .

تروللا ليه . . .

تروللا ليه . . .

(نرى أونكل وجدو وسونيا يسعى كل منهم إلى الآخر ويقفون متقاربين . .

رءوسهم تميل على بعضها البعض في شكل يدل على أنهم يتهامون

بأسرار) .

(تختضضجة المسرح حولهم . . وتظهر الرؤوس الثلاثة في دائرة ضوء

واحدة ونسمع الوشوشة) .

جدو : (لسونيا) إيه أخبار مولانا الشيخ .

سونيا : ما تظمنش أوى . . لكن البداية مش بطالة . . سمعته

قدامكم بيصرح بالقبلات بشرط أنها تكون في الهوا ،

وبالرقص الجنسي بشرط أنه يكون غير مباشر ،

وبالكوميديا إلى ضربنا فيها المأذون بالنبوت ، وامبارح

أخذت منه تصريح بشرب البيرة ، على أنها مشروب

خفيف غير مسكر ينشط الكبد ويدبر البول . . والبقية

تأتى . . ولما تبندى التنازلات ما بتنتهش ، وإذا نجحت

الخطوة زى ما رسمناها ، مولانا الشيخ حايقى بعد أيام مفتى

الانحلال الرسمي ، يفتى بالخمرة الحلال والوطء (يضحك

الثلاثة على كلمة الوطء كما تنطقها سونيا) ، والوطء الحلال

الزلال . . ويحول البلد إلى شعب محلول مغشى عليه . .

وباقى العملية حاتكون أسهل علينا من قرقرة اللب . .

حانستولى على الأرض والناس زى ما بتعنى فراخ مغشى

عليها في أقفاص .

لكن زى ما قلت لك . . لسه مش مطمئنة أوى فهو بدا

يشك ويفوق ويصحى ويفتح عينيه . . ودى حاجات

ما يصحش تحصل .

جدو : البركة فيكى .

أونكل : وفي العرقسوس اللي فيه أفيون L.S.D. وارد فرنسا .

سونيا : لازم نزود الجرعات ونستعمل كميات أكبر من الأفيون .

جدو : سبقناكى في مراعات المسألة دى .

سونيا : وإيه أخبار الدراويش .

أونكل : الشيخ إدريس غرق في المهلبية ، والباقي في حالة ذهول

يتحركوا زى الآلات . . والشيخ عيسى مبوز ومكشروفي

حال صيام مستمر ، وآخر أخباره أنه دخل المسجد

واعتكف وضرب ماريكا لما دخلت له بالأكل .

سونيا : سيبوه في حاله وراقبوه من بعيد .

أونكل : أنا عندي تحذير أهم .

سونيا : إياه هو .
 أونكل : جيمي الفونت ما يصحش يعرف حرف من الخطه .
 جدو : مؤكد . . ده راجل مجنون . . فنان منحل لحسابه الخاص
 لا يمكن يشتغل لحساب حد . . رجل ييسكر لمزاجه
 الشخصى . . فونت . . لا بينهم حد ولا بينهم حاجة . .
 كل هم أنه يكون صادقاً مع نفسه .
 أونكل : وعشان كده نسيه لنفسه .
 سونيا : ويبقى أفضل لو نسكره حبه زيادة عشان ينام على روحه
 أكثر ، ويرحنا من حكاية صدق نفسه مع نفسه .
 أونكل : البركة ف جدو .
 جدو : والكورفواسيه نابليون إالى عمره سبعين سنة يا متر .
 سونيا : لازم نشغل بسرعة ونسبق المفاجآت . . افتحوا عينيكم
 كويس . . ساعة الصفر قربت .
 (تطفئ دائرة الضوء التى تسبح فيها الرؤوس الثلاثة . . ونراهم يتصافحون
 ويتفرقون)
 (سونيا تمدد على شيزلونج فى مقدمة المسرح وتشعل سيجارة وتدخن)
 (سوسو وبوسو شابان مختان فى عمق المسرح يتمران على الوقص ،
 شعورهما مرسله حتى الكفين ، فى شفاهما روج وفى خدودهما أحمر ،
 ولبسهما فاقع ، وحركاتهما أنثوية) .
 (زكريا يكنس الأرض) .

(سوسو وبوسو ينظران إلى قامته الفارحة وإلى تكوينه العضل الرجولى
 ويفكر كلاهما فى نفس الشيء فى وقت واحد) .
 بوسو : زكريا . . تعال سرح لى شعرى .
 سوسو : زكريا . . تعال قلغنى البلوزة .
 (زكريا يساعد سوسو فى خلع البلوزة) .
 سوسو : (يعطيه بونبونة فى فمه) ذلك لى ضهرى .
 (زكريا يدللك ظهره) .
 سوسو : ذلك هنا . . الروماتزم هنا .
 (زكريا يدللك له المكان الذى أشار إليه) .
 سوسو : لا ذلك هنا . . الروماتزم هنا .
 (زكريا يدللك له كما أراد) .
 سوسو : عدى على بالليل . . عندى لك هدية .
 بوسو : زكريا . . سرح لى شعرى .
 (زكريا يتحول إلى بوسو بمشط له شعره الطويل الذهبى)
 بوسو : زكريا . . تحب الملبس .
 زكريا : متشكر .
 (يدخل الشيخ طنطاوى . . يفهم ما يحوى بنظرة واحدة)
 طنطاوى : (يهتف فى حدة) زكريا .
 (يتطش زكريا ويقع المشط الذى كان يسرح به شعر بوسو من يده) .
 (سونيا تنظر إلى ما يحوى بعين ناعسة) .

طنطاوى: بتعمل إيه .

زكريا : (في براءة) بشرح شعر بوسو .

طنطاوى: روح أودتك فوراً .

زكريا : حاضر .

(يتصرف زكريا ويتبعه سوسو وبوسو ولا يبق على المسرح إلا الشيخ

طنطاوى وسونيا) .

(الشيخ طنطاوى يلفت حوله في ارتياب) .

طنطاوى: أنا مش فاهم إه اللى بيحصل حواله فى الماخور ده .

ومش فاهم إيه اللى بيحصل لى أنا كمان . شاعر بجويقي

بتتسرب منى كأتى إناء فيه آلاف الخروق .

(يتهاك متعباً على كرسي بجوار سونيا وهو يمسك رأسه بين يديه . سونيا

تأخذ رأسه على صدرها وترت عليه فى حنان) .

سونيا : برهومي حبيبي . إنت بيتأ لك حاجات مالهش

وجود . إنت مجهد . ومحتاج لراحة ودى كل

الحكاية . خذ لك شفضة منعشة من شراب العرقسوس

اللى بتجه .

طنطاوى: لا . . . بلاش . . . بيتعب لى أمعالي .

سونيا : مش معقول . . ده أحسن علاج للأمعاء . . ده موصوف

لأمراض المعدة والأمعاء . . خذ . .

(تأخذ سونيا كأساً من شراب العرقسوس)

طنطاوى: لا . . أرجوكى (يعد يدها) .

سونيا : زى ما انت عاوز .

تعود فريت على رأسه فى حنان) .

سونيا : مش بتحسن بالسعادة والفرح وإنت بتشوف الأرض

الخراب إلى كنت ساكنها والمزابل إلى كنت بتنام فيها

دخلتها المدنية ودخلها النور والمية والتلفون والتلفزيون

والراديو والكتب والمجلات وموسيقى هايدن وموزار .

طنطاوى: أوى . . ومزيكة تشاتشاتشا والأفلام الغريانة والسجائر

المخشية بحشيش الماريجوانا والانحلال والشذوذ وغنوة أوه

كريستين : Une autre fois

سونيا : (تضربه على خده وتقبله) إزاي كشفت كل الحاجات دى

يا برهومي يا عفريت .

طنطاوى: دى حاجات انتشرت أوى وما بقتش محتاجة لمكتشفين .

وكالعادة المسائل اللذيذة بتروج لنفسها بسرعة والعملية

الرديئة بتطرد العملة الجيدة من السوق . دى قوانين

الدنيا المنحطة بتاعتنا .

سونيا : وإنت إيه مزعلك من الحاجات دى . . ما تسبب الشعب

يتمتع ويفرغش بعد طول حرمان . . ده حقه . هو النعيم

كفر؟

طنطاوى: الحمرة والمخدرات والحشيش مش نعيم .. ده هروب من
النعيم ومن الشقا سوا .. ومعناه إن احنا ندى صهرنا
للمشاكل وننام ..
سونيا: ما تسبيهم يناموا شوية .. إيه الضرر ؟
طنطاوى: حايناموا طوالى نومة أهل الكهف ويضحوا بإذن الله على
أفئدتنا خراب أسوأ من كل خراب فات بذا الهلع
سونيا: أما انت متشائم صحيح .. وليه تنسى الجوانب
المضيئة .. ليه تنسى إن احنا جنبنا لكو العلم ..
طنطاوى: (ساعرا) جبتو لنا العلم .. أى علم .. جبتو لنا التلفزيون
والطيارة والصاروخ والعقل الألكترونى .. نشره منكم
وما نعرفش نعمل زيه .. ده يبقى علم .. ولا نص علم
ولا ربع علم .. دى سريقة .. اديتونا قشرة علم وأخدم
منا كل البكارة وكل الخامات وكل الكنوز .. سرقونا
ونهبونا والآخريعتو لنا سوس الانحلال يأكل فى أبداننا
حتى النخاع (يبب صارعا من رقلته) انتوا .. ضيعتونا ..
إحنا ضعنا .. ضعنا .. أنا عاوز خرابتي القديمة .. مش
عاوز منكوا حاجة ..
سونيا: إنت حاترجع لفلسفتك التخريفية بتاع زمان والكلام
النظري الفارغ إلى لا يودى ولا يجيب .. خد إشرى ..

ده علاجك من مرض أينشتين بتاعك ..
طنطاوى: مش حاشرب ..
سونيا: لازم تشرب عشان تفوق لعملك ومسئولياتك .. إنت
ناسى إنك بقيت أهم راجل فى القيادة الفكرية والدينية
لبلدك (تقرب منه الكأس فيسرعها ويلقى بها على الأرض) ..
طنطاوى: (فى تمرد) سيبني لوحدى ..
سونيا: (فى حنان) جرى لك إيه .. إنجنت ..
طنطاوى: لا .. عقلت .. فقت ..
سونيا: وحاتعمل إيه ..
طنطاوى: حارجع كل شىء لأصله .. حاكركشكم كلكم وارجع
لخرابتي القديمة ..
سونيا: ما عاوش ممكن .. عجلة التطور بتمشى فى اتجاه واحد
ومش ممكن حاتقدر ترجع بيها لورا .. مش حاتقدر
ترفضنا .. ما تقدرش ترفض العلم ..
طنطاوى: أنا مش حارفض العلم .. أنا حارفض التوظيف السبىء
للعلم .. العلم سلاح محايد .. ممكن يبقى قبلة ذرية
مهلكة .. وممكن يبقى طاقة خيرة تنور مدينة .. ممكن
الراديو يثقف ويعلم ويفيد ، وممكن يضيع ويتلف
ويخرب .. ممكن يذيع الصدق وممكن يذيع الكذب ..

أنا حاحد العلم وأوظفه على مرادى ولفايدتى ولخيرى وخير
الناس ، وحاحد العلم من منبعه مش من إيديكم عشان
آخذ كل العلم مش نص العلم وربع العلم وقشرة علم .
سونيا : (مادة بدنها) وتنسى الإيدى إلى ادتك كل أموالى وثروانى
تصرفها على مبادتك وأفكارك .
طنطاوى : ده الشىء إلى مش قادر أفهمه .
- ولغاية دلوقت يتاخذ وتصرف زى ما انت عاوز .
- وده هو الشىء المريب .
- بتقول المريب .
- لأن الكرم الحاتمى إلى يبدو فى ظاهره خير ، سرعان
ما يتحول عند التنفيذ إلى شر مستطير ، وتدمير للأرواح
والنفوس ، وكأن فيه إيدى خفية بتحوله بلمسة سحرية
من تريق إلى سم . . مش عارف ازاي . . فيه حاجات
مش فاهمها (يقفز من كوميته) لابد من العمل . . لابد من
كشف الإيدى المجرمة إلى بتخرب كل شىء .
سونيا : (تهب من رقتها عند سماع كلماته مخاطبة نفسها بنبوة ذات معنى) عندك
حق . . لابد من العمل بسرعة . . قبل ما يسرقنا الوقت .
(تنفخ واقفة) .
سونيا : حاسبتك عشان أجهز لاستعراض الحب والحرب .

(تخرج سونيا مسرعة) .
(الشيخ طنطاوى يذرع المسرح ذهاباً وجيئة فى خطوات عصبية ثم ينادى
فجأة) .
- زكريا . . زكريا . .
(يدخل زكريا)
طنطاوى : اجمع لى أصحابنا كلهم فوراً . . روح قوام مستنى إيه .
زكريا : الشيخ عيسى معتكف فى المسجد ومش عاوز يطلع منه
طنطاوى : قل له يحضر فوراً . . قل له إني بأمره .
(يخرج زكريا ويعود طنطاوى إلى فرع المسرح ذهاباً وجيئة) .
طنطاوى : (يكلم نفسه) عاوز أعرف إيه إلى بييجرى فى الخفاء ، عاوز
أعرف الإيدى إلى بتخرب ، ولحساب مين بتخرب . .
فيه إغراق متعمد لكل شىء فى الجنس والعري والمخدرات
والهزل . . كل محاولة للبناء بتتقلب لمشروع للهدم . . كل
واحد له وشين ، ابتسامه ع الفم وخنجر فى الظهر . .
مبادئ على اللسان ، وخراب فى القلب . . إيمان فى
العلانية ، وكفر بكل شىء فى السر . . الكل بيحاول
يخطف لذة سريعة بأى ثمن . . حتى أنا . . بتغير شوية
شوية من غير ما أحس . . حتى أنا . . أترهل . . واتحلل
كشمة طيبة تتعفن .

(يدخل الراوي)

طنطاوى: (يتأكد من وجودهم جميعاً) أحمد وزكريا ويحيى وإسماعيل وإدريس . . . فين إدريس .

زكريا : نايم سكران فى البار .

طنطاوى: بقى واحد منهم . . كان ييمثل على نفسه الإيمان . .

سيبوه . .

(يدخل عيسى كتيلاً عابساً كيومة فى خرابة ، نظراته حادة كأنها حناجر مصوبة إلى صدر الشيخ طنطاوى) .

طنطاوى: أنا عارف إنت عاوز تقول إيه . . لكل كان لازم ننزل

للدنيا ونعيشها على حقيقتها قبل ما نحاول نعمل أى

حاجة .

عيسى: وقدرت تعمل أى حاجة . . كلنا غرقنا فى العسل اللزج

وبلعتنا دوامة الرمال الناعمة .

طنطاوى: لسه قدامنا فرصة . . دوامة الرمال الناعمة ما طمستش

على أبصارنا . . لسه بنشوف .

عيسى: بنشوف إيه ؟

إحنا أبناء البلد . . الأرض أرضنا والوطن وطننا بنخدم

على التراييزات ، ونقدم الطلبات ونكنس البلاط وخيرات

بلدنا وثرواتها فى إيدين سونيا وتوتو وسوسو وبوسو وجدو

وأونكل . . دخل علينا الخواجات قدمنا لهم أرضنا

وبعدين حفرناها بإيدينا وقدمنا لهم كنوزها . . وأسوأ من

ده كله (بنغمة ذات معنى لزكريا) بنأدى لهم خدمات ثانية فى

السر . . لسوسو وبوسو .

زكريا : قسماً بالله . . ما رضيت أعمل الحكاية دى أبداً ورجعت

لهم فلوسهم . .

قسماً بالله ما خطر على بالي إنهم كانوا عايزين منى الحكاية

دى .

طنطاوى: كانوا عايزين يدمروك .

زكريا : فهمت كل حاجة الآخر لكن ما قدرتش أتكلم .

طنطاوى: (لإسماعيل) والتخدرات اللي سمعت إنهم بيوزعوها عليكم .

إسماعيل: والمصحف الشريف كنا بناخذها منهم وترميها فى

الصحراء .

طنطاوى: وليه كنت بتاخذها وليه ما تقولشى .

إسماعيل: خفت منك .

طنطاوى: مين إالى كان بيوزعها عليكم .

يحيى : فيتوريو مساعد المخرج توتو .

طنطاوى: الإيطالى الصعلوك . . وكان يقول لك إيه .

يحيى : كان يقول لى . . ابسط نفسك وابسط أصحابك

وفرفش .. إنتو بتقولو عندكو .. قول يا باسط وطول
ما انت حتى رزقك جاى ..
طنطاوى: كان .. بيفنى فى الدين ، ويصوره لنا على أنه دين
مخدرات وحشيش ، وقول يا باسط ، وطول ما انت حتى
رزقك جاى .. رزقك جاى منين .. من المقشة وهو
واحد البلد نهيبه وعاوز ينومك بالمخدرات عشان تمام على
حقوقك .. مسيو فيتوريو الصعلوك ييفقها فى الدين ..
لكن الحقيقة الحكاية مش فيتوريو .. فيتوريو مجرد دمية
ومن وراها خيوط بتحركها ، وإيدى كبرى خفية بتحرك
الخيوط وأدمغة جهنمية تحرك الإيدى ..
مين هم أصحاب الأدمغة ..
هو ده السؤال ..
عيسى : لا بد من كشف كل شىء ..
أحمد : لابد من العمل فوراً ..
طنطاوى: اخرجوا كلكم .. وكل واحد يكون عين ومرصاد ..
لازم نعرف كل شىء ..
(يخرجون) ..
(طنطاوى وحده .. يلزع المسرح فى عصية .. يعصر يديه .. يحيط على
جبهة) ..

طنطاوى: حتى أنا .. اترهل .. واتحلل .. كشمرة تتعفن .. وافقد
العزم والهمة والنقاء والوضوح حتى أنا ..
(يدخل جيمى الفونت يترنح من السكر ويدندن) ..
جيمى : بيجوزونا ليه ..
ترلا ليه ..
ترلا ليه ..
بيجوزونا ليه ..
ترلا ليه ..
ترلا ليه ..
(يكشف وجود طنطاوى) ..
جيمى : (يقبل عليه بإتسامة لطيفة بريئة) إنت هنا يا مسيو برهومى ..
(يمد يده ويريت على كتفه) أنا بحبك يا شيخ مسيو برهومى ..
وعاوز أقولك حاجة .. إنت أصلك راجل طيب ..
وابن حلال مصفى .. وأنا قلبى عليك يا شيخ مسيو
برهومى .. أوعى تحضر الرقصة الجديدة إالى بيجوزوها ..
طنطاوى: (يتنقظ فضوله) رقصة الحب والحرب .. ليه يا فونت ..
جيمى : هم بيقولولك البنادق الرشاشة حاترش ملبس وبونبون
وشوكولاته على المتفرجين .. بيضحكوا عليك يا درويش
يا كرودية .. البنادق حاترش ذخيرة حية .. حاترش
الموت ..

طنطاوى: (يقفز عليه ويمسكه من كفيه) فونت .. فوق لنفسك
كويس .. اصحى .. إنت عارف بتقول إيه .. الكلام
الى بتقوله ده خطير .. خطير ..
جيمى : أنا شفت صناديق الذخيرة الحية بعينى يا شيخ مسيو
برهومى .. وشفتهم بيتمنونوا عليها فى الجبل .. أنا سكران
صحيح لكن فونت .. وطول عمرى كنت راجل
فونت .. بس الجواز هو إلى ضيع أخوك الفونت ..
أوعى تتجوز (يعود إلى الدندنة والغناء) .

كانوا بيجوزونا ليه

ترلا ترلا .. ليه

ترلا ترلا .. ليه

طنطاوى: (يمسك جيمى ويهزه) فونت .. أرجوك .. فوق لنفسك ..
فتح عينيك .. شفت إيه بالضبط .

جيمى : ترلا ترلا .. ليه

ترلا ترلا .. ليه

النهاردة حاياخدوا البلد كلها يا شيخ مسيو برهومى
حاياخدوها وهى سكرانة مغمى عليها .

ترلا ليه ..

ترلا ليه ..

(يخرج وهو يتزنج كما دخل) .

طنطاوى: فهمت .. فهمت .. فهمت كل شىء .. فهمت
الحكاية كلها .. من أول طريقة على باب كوخى فى
الصحرا لما دخلت الفتنة وقالت لى إن معاها المال والمدنية
والنور ، وإنها تضع تحت تصرفى كل شىء .. وإنها
بتعجبى .. واستدرجتنى بكل السبل لتخلعنى من
مكاني .. لتستولى على مكافى وبعدين تستولى على الأرض
وسكانها ، وبعدين تستولى على العقول والقلوب والضماير
والذمم ، وبعدين تجعل منا خدم وعبيد وجوارى وشعب
محلول مغمى عليه فى البارات والسكك .

أخيراً فهمت

لكن مفيش حد حاياخذ شبر من أرضى .

حاسبقهم كلهم إلى النهاية .

(يخرج كالتذيفة .. على حين يظلم المسرح تدريجياً) .

.....

(فترة إظلام قصيرة تعقبها موسيقى تصويرية عسكرية ثم تلى بقعة ضوء
وسط الظلام على وجوه سونيا وأونكل وجلو وتوتو كأنها وجوه شياطين
تلمع على أرضية مظلمة وقد مالت بعضها على بعض فى وشوشة) .
سونيا : المدافع البلاستيك اللى كنا بتتمرن عليها فى البروفات
حانستبدلها الليلة بالمدافع الحقيقية .. الرشاشات اللعب

بالرشاشات الحقيقية . . . وبعب الأطفال بقتابل يدوية . .
ومسدسات الصوت بمسدسات موت . . .
ولما أشد الوردة من صدرى عشان أرميها تحية للبطل
تضربوا النار كلكم في وقت واحد . . . وانتو عارفين
حاضرنا على مين . . .
والباقي سهل . . .
مش حاتلاقوا مقاومة . . . البلد كلها سكرانة من الشرب
والرقص والغنا ونائمة على ضهرها من اللذات والإفراط
والبلادة والتفاهة . . .

(تطفئ بقعة الضوء لتضيء بقعة أخرى في الجانب المقابل من المسرح
حيث وجوه الشيخ طنطاوى وزكريا ويحيى وإسماعيل وعيسى وأحمد وقد
مالت بعضها على بعض في وشوشة . . .)

عيسى : خدعونا

طنطاوى : لبسونا خرقة المذنب وقالو لنا هى الدين . . .

عيسى : غرقونا فى الدعارة وقالو هى الفن . . .

إسماعيل : علمونا الإلحاد وقالو هو العلم . . .

أحمد : فرقونا بالصراع الطبقي وقالوا هو العدالة الاجتماعية . . .

عيسى : وخذوا أرضنا . . .

يحيى : ونخيراتنا . . .

إسماعيل : وكنوزنا . . .

عيسى : وثرواتنا . . .

أحمد : والآخر حايقتلونا . . .

طنطاوى : حانقتلهم قبل ما يقتلونا . . .

(تطفئ بقعة الضوء . . .)

(وبعد فترة ظلام قصيرة يضاء المسرح تدريجياً على مارش عسكري ونرى

الفرقة الاستعراضية كاملة . . .)

(الراقصون والراقصات ملابس حرب عسكرية يضعون المدافع الرشاشة في

خصورهم ويتحركون في تشكيلات . . .)

(أونكل يكمن وراء تبة مدفع . . .)

(الخروج توتو في ثياب مارشال . . .)

(جلو في عربة مصفحة . . .)

(سونيا في فستان أزرق طويل في صدرها وردة . . .)

(الوحيد في الفرقة الذى يبدو خارج اللوحة وخارج الجو هو جيمى الفونت

الذى يحتضن زجاجة في ركن ويسكر . . . وقد أعطى ظهره لكل شيء . . .)

(الكل في انتظار البطل . . .)

(يغنون في كورس مع حركة التشكيلات أغنية قصيرة تعبر عن انظارهم

للبطل ، وإنه قادم معه المحمد والنصر . . . وانهم يتحرقون شوقاً للقائه . . .)

(يدخل البطل . . . قائد عسكري أورنى في ثياب حرب أوربية مجرور وراءه

سراً من الأسرى الآسيويين . . .)

(تهليل صاحب . . . تتقدم منه سونيا لتأوله الوردة . . . قبل أن تمد يدها لتزج

الوردة وتلقها إليه يظهر الدراويش كالعفاريت كأنما انشقت عنهم

الأرض .. في ثياب مقاتلين عرب وفرسان عرب وفي أيديهم المدافع
الرشاشة .

الشيخ طنطاوى : (صارخاً) ارفعوا الأيدي .

(يتجمد الكل في أماكنهم من المفاجأة ويرفعون أيديهم تمتد يد أونكل إلى
منطقه فيعاجله طنطاوى بوابل من الرصاص يريده قتيلاً) .

طنطاوى : (في هدوء) وقع الحافر فيما حفر .

كنتم تحفرون لنا طول الوقت .

وكانت معاولكم مزوقة جميلة .

مرة اسمها العلم .

ومرة اسمها المدن .

ومرة اسمها الفن .

ومرة اسمها الفلسفات المستوردة والأفكار العصرية .

ومرة اسمها المخدرات والموضات وأدوات الزينة .

ولكن اليوم يتغير كل شيء .

(في صوت بارد قاطع) خذوهم وقيدوهم ورحلوهم لبلادهم

قبل الفجر .. اليوم تعود إلينا بلادنا وأرضنا وشخصيتنا .

(يهجم عليهم الدراويش ويسوقونهم في طاوور إلى خارج المسرح .. يظهر

الشيخ إدريس .. كان محبباً مع جدو في العربة المصفحة .. يراه الشيخ

طنطاوى فيشير نحوه) .

والشيخ إدريس .. معاهم .. ده منهم .

(يسوقون الشيخ إدريس إلى الخارج والبندقية في ظهره وهو يولول فرعاً)

(شيئاً فشيئاً يخلو المسرح .. لا يبقى إلا جيمى الفونت وعيسى وطنطاوى)

(يذهب عيسى إلى الفونت ليسوقه إلى الخارج مع أصحابه ، ولكن

طنطاوى يعترض طريقه) .

طنطاوى : سييه .. ده معانا .

عيسى : ده كافر .

طنطاوى : بل هو من أهل الصدق .

عيسى : ده ما يعرفش ربنا .

طنطاوى : حايعرفه .. من يتوسل بالصدق يصل .

عيسى : ده سكير

طنطاوى : ده كان صاحبي أكثر منك (يذهب إليه ويحضنه) ، إن حربته

حربنا وقضيته قضيتنا .. كلنا نطلب الحق بكل سبيل .

عيسى : بالخمرة .

طنطاوى : (بحضنه) لا .. غداً يسكر بنحمرنا .. خمر الإيمان ويلبس

ثيابنا .. الثياب التي دخل بها طارق بن زياد أسبانيا ،

ودخل بها خالد بن الوليد اليرموك .. لن يجردنا أحد من

تلك الثياب بعد اليوم .

لقد بدأت النهاية وغداً نغير كل شيء .

(ينزل ستار الحتام على دمنمة الرصاص والمدافع الرشاشة وعلى مارش

الانتصار) .

هذه المجموعة

تحرص دار المعارف دائماً على تقديم الأعمال
الكاملة لكبار المفكرين والأدباء. والدكتور مصطفى
محمود واحد من هؤلاء الذين أخلصوا للقلم. فأثرى
ساحة الفكر والعلم. وطرق أبواباً جديدة لم تفتح من
قبل. فتنوع إنتاجه بين القصة والرواية والمسرحية
وأدب الرحلات. إلى جانب تلك المؤلفات التي تحفل
بالنظرات المعاصرة للفكر الديني والمقارنة بالنظرات
العلمية الحديثة. والتي لا تزال تثير مزيداً من الجدل
المفيد.

وقد امتد تأثير فكر الدكتور مصطفى محمود إلى
القراء العرب من الخليج إلى المحيط كما ترجمت بعض
أعماله إلى اللغات الأجنبية شاهدة بقدرته على العطاء
المتنوع.

